


1 4
1548
7



14
1548
7

青芙館詞鈔

連理枝 秋曉

煙雨絲絲絆鵲鴉聲聲喚殘藁團秋孤鐙絮夢獨眠入
慣算閒庭紅上女兒花奈昨宵風嬾
金縷衣

往事休回首歎頻年槐花踏遍青衫依舊恨地歡場同
一夢賺得離愁盈斗飄泊意天公知否薪米妻孥增太
息甚悲涼况味拚消受淚似水遍衣袖 蕭蕭落葉西
風驟况又是斷煙衰柳傷心時候秋與詩人同一稿都

昭和八年
二月三日
購求

比前番損瘦算好事今真辜負冷落扁舟租一葉且斜
陽料理蘆花酒謀一醉他何有

洞仙歌

冥冥悄悄把殘更挨坐一點疏燈夢挑破算情絲縷縷
斷了還連儘做弄鏡下離人一箇小窻愁憶處無限
淒涼心上安排甚時妥吹簫玉梅邊青子星星問此意
梅還知麼生恨著薄倖負春光能者樣團樂酸心都可
秦樓月 題美人背立圖

春風倦美人背立秋千院秋千院綵繩扶下玉釵猶顫
丹青想像芙蓉面驚鴻小影休呼轉休呼轉紅顏干

古幾人青眼

洞仙歌

梧桐雨歇把新秋做就紅得斜陽影都瘦喜桃笙涼沁
蕉扇寒知恰贏箇試茗焚香時候水晶簾捲處初月
描來出色鶯黃蘸詩袖簾外碧闌干闌角疏紅剛昨夜
曉風吹透更何須高處羨瓊樓便一枕花陰儘堪消受
浪淘沙 人倚闌干
新綠帶三分燕子斜曛碧衫消瘦到吟魂幾點楊花飛
不定撲碎春痕香倩玉奴熏商略清尊闌干絲雨濕
黃昏自擬鸞簫吹小令好箇閒門

人月圓 乙卯立春

脂毫點出宜春字小閣鎮蕭閒
芹芽粉餅勞他纖手商略杯盤
三分酒意二分詩思一寸春寒
蜜梅花底夕陽似水人倚闌干

百字令

大寒後一日同孫子九核周雪歐光祖素人灑孫雲叔星譽季賦星詒王平子星誠寄雲上人宿平水傳鑑寺分韻得此字

天風颯颯把酒人吹入白雲深裏
列岫不扁寒碧破衣袂冷攬松氣
踏葉知門沿鐘得寺小坐蒲團地
諸天梵寂茶香清沁詩肺試問煨芋
寒山者般滋味有幾人知此簷外
梅花花上月花底疏窗六枳吟許
猿聽夢邀

鶴共也算閒公事他年重到遊踪
笑指流水

別銀鐙

秋柳

羌筵何人吹起幾筆白門秋意
濯濯離魂絲絲清怨攔入畫眉峰
底斜陽影裏消瘦也西風知未說
甚風流舊事張緒而今老矣清夢
如煙閒愁似水情緒鎮懨懨地霜寒
月霽回首也相思千里

青玉案

二分涼月花陰漏記小院閒時候
廿四晶屏花影瘦幽香一縷染來
羅袖秋色黃於酒月痕依樣移花
螿空照得青衫舊想見紅樓妝卸
後別無人處蘭燈如豆夢

去能尋否

眼兒媚

綠窻風雨鎖無休香意鎖雲籌無情芳草有情燕子一
撿春愁 刺桐花落寒無力春晚怕登樓知他那裏捲
嫌人獨午夢扶頭

念奴嬌

送同年生陳午亭之春明

整頓春衫又遊子驪歌一聲唱徹門外落紅如雨亂春
晚那堪離別細雨吹愁輕寒載夢客路怎將息朝來何
處小詞聊壯行色 遙想草長江南羣鶯啼遍好箇春
三月山色尊前江枕底準備龍川詩筆寄語盧溝無邊

楊柳千里休相憶明年春好與君同醉寒食

一斛珠

春寬影窄芳心不慣花邊別綠窻夢醒痕難覓敢被東
風吹到人人側 玉鳧熨遍羅衾褶春寒不禁相思熱
銷魂又近清明節撲簌簾旌幾點梨花雪

高陽臺

軟帳擡煙疏鐙暈雨晚來儘又蕭蕭獨客天涯可憐閒
煞今宵明知秋思千儂甚奈秋來著意無聊又何時銀
鴨香溫心字同燒 蛤蟆瘦影和人醒看冷清清地說
也魂銷底事西風無端吹散迴潮年來紅豆拋多少剩

黃昏者樣迢迢更淒涼玉篴誰家吹出春嬌

百字令

丙辰春分日曉發魚溝同叔雲周子作

問儂底事把別離舊稿從新做起箇樣春懷誰寫得算
有柳枝能替瘦馬馱愁短鞭兜恨淚溼青衫子宵來何
處一鐙搖夢千里 還記晴雪東風草堂人日別酒梅
花底細雨郵程三十日容易春分過矣慈母裁衣閨人
卜鏡花裏重門閉飛鴻北去江南一字難寄

清平樂

丙辰九月初二夜為吳子儁同年題菊花畫冊遲明余即南返矣

疏籬幾稜點綴西風影花與離人同瘦損閒煞故園秋
興 吳綾畫取寒香那堪相對他鄉縱便明朝歸去已

教辜負重陽

高陽臺

寄春明叔雲前輩並示翁已蘭黃白香楊芷珣三君時丙辰重九客容城縣解

十里荒煙幾行衰柳斜陽瘦煞今朝歸去來兮西風斷
送征軺離心早已先秋碎又能禁幾度魂銷更淒涼重
陽到也着意蕭蕭 遙知著屐登高處定黃花插帽紅
袖吹簫有客天涯可曾憶到深宵呼鐙重草相思字算
相思寄也無聊贖窻前秋雨聲聲滴碎芭蕉

南歌子

藥城題壁

醉客金坡酒泥人玉局詩一年最好菊花時難道忍心
撇了不相思 冷月邨雞唱悲風棧馬嘶孤衾剛待懺

情癡可奈夢回燈影雨絲絲

前拍

內邱題壁

夜月紅螺酒春風紫鳳簫箇儂何處漏迢迢消受一杯
冷茗過今宵 布被和愁擁糠燈帶影挑未曾睡好已
魂銷知否淒涼孤店又明朝

洞仙歌

孟冬過了算歸期須定若再羈遲甚時準況三間老屋
開了梅花早有個綠酒紅鑪相等 鴛鴦三十六細雨
郵程隨意排來睡都穩底事苦淹留鏡裏芙蓉難道是
飄零小影快打疊扁舟白雲邊莫輸與江南鯉魚風信

惜餘春慢

睢州題壁

沙影搖星雲痕凍月馬首曉風吹亂草枯鷹健木禿鴉
寒滿眼秋光都變說甚封侯少年歲暮飄零夢沈書遠
算三千歸路大河南去商量一半 故園裏蠟粉墻西
蜜梅花底知否暗香吹滿花邊明月月底闌干閒煞也
無人管料得蘭閨夜寒細數歸期金釵劃遍道天涯一
樣銷魂拚底爲伊腸斷

月底修簫譜

謝家集對月感賦

柝聲沈人語寂土坑蘆牀獨客自憐惜一年能幾團圓
可憐今夜拚草草者般辜得 甚時節還記月底吹簫

羅衣艷秋雪冷慣姮娥解作十分色分明月共人嬌入
今千里空帶得花邊明月

洞仙歌

夜發虞城道中見燐火甚繁拈此解弔之時捻
匪滋事兵燹頻仍自虞城至嶧山赤地幾三百

里
矣

明明滅滅問游魂誰管蔓草寒煙煞零亂算故人認得
纔近衣邊驀又被一陣迴風吹散都來明月下點點
星星壞壁荒原自淒戀劫土贖殘灰難道他生還消受
飄零幽怨歎碧血模糊可憐宵便化做寒花也應腸斷

謝秋娘

腸斷處舊事費思量記得消寒逢二九蜜梅花上雪都

黃人立小迴廊

攤破浣溪紗

雙溝題壁

記得西風別酒闌一聲河滿溼歌衫花露滿身眠不得
月初三客路何人憐燹火亂愁和月度關山一寸春
光千里夢早梅殘

相見歡

桃源道中見梅花感賦

春光漏洩梅花暗香斜料得有人無睡立簷牙三分
竹二分屋是儂家可惜箇儂今夜尙天涯

陂塘柳

丁巳春季杭州客夜坐雨與琴子陶二同作

又黃昏兩三點雨零星消得魂盡春愁水樣渾無着紅

一痕燈影風不定，便不是離人也。為花愁損客窗人。
靜料絮影搜香都無是處，今夜怎生聽。殘更亂攪得
相思都冷，夢兒和燕同醒，縱教春例傷心雨也。合憐儂
些病聲，又緊算人自無聊，錯把芭蕉恨倦，歎孤枕知幾
處紅樓斷腸。一例試喚曉鶯問。

水調歌頭

月夜泛舟西湖，誦東坡水調歌頭，覺玉宇瓊樓去人不遠，即倚聲和之。

日得鑑湖月來薦水，仙王何年赤鳳騎去煙水。自蒼蒼
不管綠蘼瘦死，賸得段橋殘柳，愁到酒般黃。之子渺何
許，天影落秋塘。放鶴嶼，觀魚港，聽鶯莊。湖山別後無
恙，此樂定誰償。為問沙頭鷗鷺，知否今宵詞客，猶有老

髯狂玉筵自吟弄冷咽水龍腔。

湘月

題丁韻琴司馬偕姬人秦佩芬重九湘湖紀遊册子。

秋江畫舸問盈盈，何處神仙眷屬。三尺菰漪風力軟，蘸
得羅衫都綠。佩摘秋芬，琴調古韻，人影清於菊。墨痕涼
沁茶香，飛上詩幅。更好選勝奇峰，一層更上，俯瞰湘
流曲。繡屨風香，苔徑窄，消受湖山清福。巒翠評眉波光
韻，鬢句在秋邊續。歸來庭院新詩，笑倩鶯讀。

減字木蘭花

二首

影兒和我黯黯相看，燈一箇甚處紅樓香。夢如雲漾玉
鈎，更無情緒無賴。東風吹笑語說也銷魂，孤枕淒涼

數雨聲

夢兒無定醒了又眠眠又醒索性呼燈拚底今宵睡不成
五更將近側側曉風詩袖冷無可如何且自溫存
到被窩

南鄉子

浦江阻雨

晴雨忒無憑賺煞愁人昨夜星難道西風都錯誤分明
枕上芭蕉葉葉聲何處是歸程香鎖屏山十二層夢
裏蕭蕭聽不得恁惺自砌鄉愁到五更

浣溪紗

二首

雲髻花鬟金粟蟲銀燈珠索醉春紅玉兒酣酒語喁喁

上樹何時見梧子摘花切莫罷蓮儂費郎猜到箇情
衷

水樣秋宵乳樣天小屏山外碧闌干闌干會倚月中看
繡帶腰寬楊柳瘦金釵髻溜牡丹寒相思今夕况當
年

南鄉子

孤舫又斜陽纔子離家夜便長知道秋心禁不得思量
瞞過燈邊一味涼七十二鴛鴦記否金鳧試晚香月
樣纏綿天樣遠淒涼不是秋來例斷腸

浣溪紗

秋夜聞笛感拈此解

葉葉梧桐葉葉蕉可堪秋意鎮蕭蕭不須風雨也魂銷

涼夜正賒孤客思月明誰理美人簫一絲秋怨擱花

梢

祝英臺近

浦江客邸書壁

帳擡煙燈弄影寒煖煞難定葉葉芭蕉葉葉做秋信可

憐客子天涯離魂易斷偏者樣雨晴無準人未寢瑤

箏一十三弦千山萬山冷去也無從住也又為甚儘教

拍入紅牙做伊幽怨好奇與悲秋人聽

摸魚兒

樊榭老人有和女士陳坤維賣元詩詩今詩冊

把示人代已更墨蹟未泯為拈此解紀之

問誰家紅蠶細字押向元人詩尾小詩曲與迴腸寫些
恨玉絃難替妝閣底道典盡琴書把卷留無計十年人
意有花下零脂香邊贖墨沁入硬黃裏披吟處愁絕
香籤舊事今朝重又題起青衫自古拚蕉萃不信紅顏
一例悲更喜贏異代憐才姓氏詞人記蘭闥知未有多
少芳魂蓬門零落煙草碧無際

浪淘沙

八月朔日武林寓齋夜坐感賦

獨自倚桃笙水樣簾旌相思如夢未分明透得玲瓏秋
影子只有疏燈夜色冷瑤琴十二晶屏閒愁和月寫
零星落葉寒蟬同一院各自秋聲

鷓鴣天

秋滿瑤琴曲裏心芭蕉分綠上簾心迴文不寫香羅扇
生怕郎看兩樣心花並蒂鳥同心黃金合鑄箇人心
語郎細認悲懽字兩樣排場一樣心

卜算子

秋日重遊西湖寄陶琴子會稽

記得曉春時同泛西泠艇酒樣湖光乳樣波綠嫩煙無
影纔說送東風又換西風冷玉藕花疏不耐紅秋共
鴛鴦醒

前調

七月初六日渡黃浦江壘西湖紀遊韻

萬頃荻花潮三尺瓜皮艇樹外秋帆帆外雲雲外斜陽

影風向水邊來吹得詩衾冷夜靜閑鷗自在眠孤月

煙中醒

水調歌頭

中元浦江客邸對月感賦

人在萬山頂明月不能高老蟾今夜嫵媚爲我照青袍
吟弄碧雲深處摘得秋星盈把帶綠煮松瓢飛泉兜不
住一白界岩腰還記否瓜步夢秣陵濤可憐廿四橋
月冷咽玉人簫試把素娥拍醒譜入淒涼曲子天也怕
魂銷砧聲響何處萬里玉關遙

人月圓

蘭閨纔送春歸了底又送郎行昨宵燈影明朝鞭影今

夜分明 平蕪漠漠傷心一碧何處征程斷魂風雨銷
魂山水廿四銀屏

踏莎美人

金匱留春珠鐙護曉鈿箏恰稱年華小分明人語綠窗
紗難道闌干一角卽天涯 借病瞞愁將癡替怨離魂
些子風吹斷者情除是燕鶯憐也覺朝來消瘦過春前
菩薩蠻

櫻桃樹底珠簾卷春情膩得紅闌軟明月好今宵相思
雙玉簫 郎情香篆細妾意如花氣花氣著香時氤氳
雨不知

羅敷艷歌

戲贈東溷生

分明昨夜銀黃月月底簾櫳小語惺忪露在秋蓮瓣上
紅 蘆花搖醒鴛鴦夢人倚西風欲睡還慵自劃爐灰
寫箇儂

南歌子

香鴨心都冷燈鳧影尙溫葯烟無力上簾心賸有秋魂
和病帖蕭衾 宛轉亭三面玲瓏月二分扶頭花底小
逡巡數遍闌干獨自又迴身

南鄉子

客館恁淒清涼雨疏酒半醒十二雲窗都掩了玲瓏

夢逐燈花墮一星 水漾越羅衾熨帖閒愁到五更簾
外瀟瀟梧葉落恹惺病與秋寒各自生

醉花陰

月嫩花溫宵再闋醉舞文鴛錦一霎畫屏間別院吹笙
酒向愁邊醒 繡戶不扃樺燭冷閑煞珊瑚枕負手鏡
臺邊翠地紅簾一個秋人影

卜算子

丁倒懊懣歌零亂相思豆寶枕紗厨獨自秋簷角烏啼
候 怯怯木犀風默默蓮花漏月與愁人各自醒一樣
傷心瘡

南歌子

葯氣熏琴軫茶烟上髻絲冷鴆病骨怕秋知難道忍心
瘡到十分時 冷煖和誰語懽愁強自支客中嬾和故
人詩聊把黃花折寄兩三枝

醉花陰

海上重九

去年人在容城驛醉把黃花折海上又重陽一樣花時
兩樣花邊客 清遊借得登高屐大好西風節莫漫費
閒愁酒是他鄉月是家鄉月

眼兒媚

暝暝簾幕夕陽時秋影閣烟絲柳梢西畔闌干十二沒

笛人兒 吹笙何處閉庭院花外一鷺啼假山兜轉蟬
衫麝帕驀地逢伊

南鄉子

池館晝冥冥匝地輕烟誤晚晴掛得柳絲斜照在恁惺
一樹桃花隔水明 雨意鎖燈屏紫棧銅鳧別樣清料
得水窗秋夢醒玲瓏剗鞦韆香階看月生

醉花陰

井鴉啼夢蠻紗曙商畧秋情緒睡起恁懨懨賸月零香
都是傷心處 天涯冷落黃花句人與愁同住漠漠水
邊樓過了重陽猶有聞風雨

南浦月

九月望夕與叔子洋涇堤步月感拈此解

夾道夷花夜深一帶傷心碧買樓那壁燈火零星出
半摺紅橋閒煞無人立拚愁絕秋光海色併做今宵月
翠樓吟

金鴨留香玉鶯熨夢誰道匆匆歸去夕陽烟草外鷓鴣
起一絲離緒閑情無據記酒醒燈昏夜窗私語愁何許
闌干西畔綠濛濛雨 知否明日天涯算單衫小扇和
誰同住迴文空寄與只題徧羅巾詩句今宵風露且商
略離尊醉歌金縷休辜負月華正在柳梢閑處
臺城路

一燈紅閃相思影今宵可憐初七浦月搖愁江雲做怨
夢也不會留得淚痕空憶且商畧衾函自家憐惜甚處
紅樓斷腸吹過一聲遂記否綠窗翦燭照秦簫玉鳳
楚裙金甃嬌小私盟惺忪別恨立向曉星時節而今休
說賸一縷離魂甚時妥貼千萬丁甯隨潮迴去覓

南歌子

舟泊鴛鴦湖感賦

小雨吹波綠輕雲凍樹黃湖樓四面水紅窗三面烟波
一面襯斜陽濁酒偎愁冷單衾怯夢長今宵剛道不
思量可奈銷魂名字說鴛鴦

前拍

舟泊雙橋

舊語紅鴛錦香盟翠鳳翹秋魂已爲箇儂銷多謝銀黃
月子照雙橋別夢商孤枕相思逐暮潮小門花底罷
吹簫知道有人無睡說今宵

南歌子

喜子寒金瓊嬰哥怨玉簫紅簾一抹可憐宵便道相思
也要福能消影事兜燈角閒愁貼枕凹明知睡去更
無聊萬一夢隨殘月到雙橋

點絳脣

漠漠春江孤舟又到松陵路斷魂無主閒逐潮來去
一穗燈花瘳得紅凄楚花知否今宵風露也合相思汝

南歌子

薄露縈簾角輕寒透被池淒涼天氣沒人知剛是五更
殘月酒醒時舊夢商量誤新愁禁架遲病魂莫說費
相思便是今宵無病怎支持

浪淘沙

柔煞玉鳧烟好箇陰天春衫商略一絲綿也分梨花無
可瘳還做春寒小閣鎮蕭閒燕語簾前自拈新句遣
華年記得清明佳節近定了湖船

鵲橋仙

落花新鷺二首和陶琴子作

金鈴聲碎翠幡香爛春豈者般瘳慣東風畢竟最多情

又吹起紅心一瓣茶烟輕颺露絲微茫閒煞夕陽亭

館朱闌半摺没人看讓燕子做伊春怨

金梭影瘳銀簧聲脆消受雨香烟醉心清還比箇人癡

早啼醒幾家春睡柳邊巢小闌邊夢細調理嫩寒天

氣誤他別院自吹笙俏尋遍碧桃花底

浪淘沙

七夕雨過即景

雨過暑都收團扇涼兜殘陽也做月般柔一抹疏紅扶
不起斜挂簾鉤香意妥雲篝小簟先秋隔窗涼影上
牽牛好夢星兒如蠅瘦吹墮花頭

擣練子

西湖紀游五首

紅點染翠扶疏十里蘇堤買得無衫樣荷花人樣柳嫩
涼出色畫西湖
風瑟瑟浪潺潺逢著紅橋便轉灣一路水香雙槳影倒
從湖底看秋山
消夏地午眠天水閣風香自捲簾可惜鴛鴦花底宿無
人小扇倚闌看
橋苑轉樹縈迴長夏湖船半不開側側嫩涼吹水過小
舟滿載綠蘋來
商意夢聽菱歌曲檻周遮倚綠波今夜月來儂又去讓
他翡翠占秋多

鷓鴣天

憔悴湖山不耐秋綠蕪零亂怕迴頭年來閒煞三分月
腸斷何人問玉鉤 菰葉短柳絲柔冷烟扶夢過蘇州
斜陽歸燕西風客一樣江湖兩樣愁

眼兒媚

小風無力颺銀鉤香意水般柔薇壺練帶蕩衫羅扇整
頓新秋 紅蕉怯怯初過雨寒響隔窗流水聲葉底葉
聲花裡月在花頭

攤破浣溪紗

寄周叔子吳門

颯颯西風落葉乾夕陽無語上闌干睡起卷簾人影獨

有誰看 愁裡帶圍猶賸結病餘袞簟不禁寒遠夢暗

隨秋草綠遍江南

月底修簫譜

熨春痕尋恨緒些事鎮淒楚吹近香魂又隔舊時路便
教好夢商量珊珊來也怕相見也都無語 愁何許試
倩燕子丁甯銜過落花去不嫁東風箇裏被誰誤自憐
者樣相思更無聊賴且和悶鎮懨懨度

洞仙歌

粘萍綰絮惹春愁一寸灰盡心香又挑醒箒東風無賴
撇了桃花原不是箇裏人人薄倖 相思了無益且自

相憐弱骨鈴鴂瘦秋影扶病卷簾看銀漢無波西風外
雙星吹冷好負手花邊懺他生但休墮情天痴頑都肯
明月生南浦 青莫如東風到越晉猶人一身添來此
雲意吹殘芳事歇燕子斜陽嬾慣西風客睡起卷簾無
氣力銷魂驀記年時節 簾上花枝花上月月底闌干
闌角鈴鴂立倩影如烟無處覘惺忪秋夢吹蕉葉

祝英臺近

翦雲痕尋線迹纔聚又輕別白髮高堂兒去怎將息可
憐百歲晨昏承歡能幾偏者樣匆匆拋擲 鎮愁絕拚
教看盡天涯長亭短亭月縱有雙魚些事怎生說儘餘

今夜殘燈思兒夢裏空繞遍水程山驛

醉花陰

單衾孤燭今宵又商略銷魂候秋夢水邊生吹過西風
還比楊枝瘡 纖雲盪得輕波皺寒意零星逗柔櫓小

紅橋峬峬新涼月共人消受

雙紅豆

己未正月廿三日杜家庄客店題壁

為底別煤花辜煞山陰道怯怯春衫黯黯魂甚法商量
好 捱盡可憐宵莫被東風曉減得離人一段愁索性
無芳草

前調

河間二十里舖題壁和楊儂蘭同年

儂已懺春愁又被愁勾醒昨夜燈花昨夜人春在疏簾
影 也道夢無憑且熨閒衾枕草草相逢記未真夢裡
如何認

清平樂

今歲清明連上巳客中岑寂佳節幾忘楊花珣
中翰招飲寓齋即席感賦

夢痕約略睡起心情惡不是故人憐寂寞已分被春瞞

却 梅花玉遂春燈東風燕子銀屏莫道春來容易一

年幾箇清明

虞美人

心情沒箇商量地長日簾櫳閉新愁檢點一椿椿也弄
不曾閒過好時光 疏櫺絡角詩鐙冷茶語烟中醒綺

錢如水夜冥冥獨向青棠花底數寒星

買陂塘

澄懷園觀荷遲錢芝門不至月下和章子和前
輩聲即呈潘伯寅學士師時六月二十三夜也

拓水簾萬荷深處香痕吹上唵鬢闌干祇在疏烟裏紅

得斜陽都冷閒自凭筭一點秋心四面同消領輕陰漸

暝看蘋葉生潮柳絲做雨涼蘸鷺鷥頂黃昏也依約

凌波人靜瑤華望斷芳訊流螢亂點疏星底閃得花魂

無定情暗省借綠意冥濛替畫愁邊影相思未準且商

畧羅幃銀紗窗底夢墮藕花醒

金縷衣

庚申三月襄事春闈得故鄉警報心魂俱碎信
筆拈此解不知其聲之何以悲也

春已無情緒又冥冥薄寒搖夢把愁留住鎖院輕陰長

晝寂愁裏聽春來去看門外落花如雨一樣東風芳意

嬾隔重幃也共人無語些箇事怕重訴朝來儘設傷

心過甚無端鄉關消息越添悽楚風鶴天涯遊子淚知道

高堂安否還說甚零丁兒女殘燭不紅窗月墮算今宵

夢亦無歸路腸斷句不堪賦

河傳

人醉花睡酒闌時早又玉笙罷吹斜月隔烟涼一絲遲

遲輕寒半臂知生怕天街風露緊香半燈商略閒衾

枕小鏡屏春夢輕恁惺玉樓雙燕醒

闌干萬里心

偶寫扇頭折枝拈此補空

閉門扶病慰春思
新綠簾櫳燕不知
小嚙茶香睡起時
日遲遲閒對瓶花寫折枝

浣溪紗

夜靚東風雨似塵
博山香薄養餘熏
夢痕約略一絲雲
淺幔護寒酥
燕病疏鐙扶影寫
花身箇時情緒倍憐

春

擣練子

閏春病起意行花底倚聲得四拍

茶意晚藥烟輕
春夢朝來瘦似鶯
容易釀花天氣過當
歸開了又清明

梅市尾柳祠邊
別後風情總可憐
驀記嬉春年少事
小

桃團扇上河船

多少恨倚闌干
人在東風淚未乾
折得花枝還借問
花邊雙燕可平安

愁悄悄思緜緜
漠漠疏花病酒天
三十二年春過了
最無聊賴是今年

浣溪紗

十二紅幃盡下鉤
不教飛絮繡春愁
去年今日住蘇州
花底小風依笛眼
酒邊涼月上琴頭
一痕殘夢瘦於秋

秋

醉花陰

餞春

聞了清明春又去睡起人無語殘雪荼蘼天淺醉輕寒
 費煞閒情緒 東風小著傷春句闌角悵悵雨細草短
 於苦一抹春痕綠到無人處且士琴一賦對
 喜邊鶯聞中偶興用叔子暮春客夜聞笛憶海上舊游效未邊體韻
 六窗烟悄除花底流鶯更誰同到簾押鈎雲琴絲識雨
 商略薄寒遲早燕子茶前鼠姑風裏小梅開老香邊意
 算朝來可有睡鳧知道 春懷休更惱且供養東風
 斗閒花拗芍藥香賤櫻桃舊夢本是一般刪了何處問
 金屏還說甚綠榆青鳥小詞吟罷輸他錦瑟華年多少
 邁陂塘 桐花館填詞圖爲吳蓉圃同年

鎮情悵綠陰池館朝來漸做輕暝小闌鈴索東風底著
 個珍珠簾影蘭晝靜剛商略春寒茶語烟中醒露香涼
 沁想點罷新聲玉簫吹夢么鳳隔花聽 年時事盼斷
 青鸞芳訊江南綵筆誰問宮梧暮落蘅皋暮怕寫斷腸
 鴛錦情暗省臙愁裏填詞獨自閒消領幾時同隱待北
 垞攜琴西窗翦燭約倩白雲訂

毛氏曲

潘綬庭太夫子拈此拍見贈即用原韻謹答

處處魂消矣更朝來蘅皋風絮斷腸天氣夢裡家園何
 處是目極春心千里算綵筆江南誰寄九十芳韶成底
 事鎮消他淺醉輕寒裏些箇恨玉絃替 閉門睡起慊

嫩地拚分付病花瘦燕與春料理不分驪珠盈手贈爲
寫青衫蕉萃有多少憐才深意絲竹公門容我孺負東
風慚愧閒桃李知己感辨香記

蘇幕遮

試香茸商鈿葉怯怯心情未慣人憐惜學勸金尊無氣
力酒上梨窩紅過春衫纈笛聲寒釵夢隔道是生疏
卻也曾相識小札瑤瑤何處覓待倩花梢雙燕殷勤說
天仙子

睡起卷簾無意緒剗地東風春又去悄悄庭院沒人行
香半炷茶初煮細數落花閒過午錦瑟橫塘腸斷路

依約夢痕無覩處春歸若肯到伊家花底語香邊句萬
一流鶯還記取

滿江紅

第四橋西閒認取小桃庭院最記得春醒初起嬰哥偷
喚芍藥香屏銀葉暖梅花畫帳金泥軟正憑肩鏡裡看
梳頭春妝淺芳意晚流年換些箇事思量遍但慵香
病酒怎生消遣燕子瑤釵花底淚蛛絲翠合燈邊懺算
相思未許繡衾知無眠慣

羅敷豔歌

翦燈招遍相思譜酒醒天涯翠被寒些第一秋宵怎遣

他料知此際人無睡門掩疏花花底宿紗涼月羅衫
笛影斜

浣谿紗

生小菱枝倍可憐西風別後定誰邊娟娟花葉隔秋烟
好夢不離江上見癡情尙合鏡中看不成真箇負從前

菩薩蠻

玉階月上花如雪不辭素手將花折風露一枝鮮教郎
看鬢邊梅梢殘月凍人滯天涯夢春色薄於烟東風
未解憐

菩薩蠻

直沽旅次卻寄李蕤客表弟都門並呈周叔巽前輩

落花聲裏春如雨短鞭扶力辭君去飛絮又津門一燈
搖旅魂思君心似醉夢我君應睡今夜小窗孤春明
有月無王王送王春王暮王航王海王尋王親王李王蕤王客王表王弟王拈王金王縷王曲王爲
金縷曲王王王戌王春王暮王航王海王尋王親王李王蕤王客王表王弟王拈王金王縷王曲王爲
贈王途王次王依王韻王和王之
祺別君行矣趁長風滄溟著箇孤兒行李對此茫茫生
百感目極白雲千里灑不盡青衫涕淚祿養未成家破
碎悔當年辛苦求科第魂已斷怕提起龍鍾白髮干
戈裡料嘗鼓艱難烽火思見滋味說甚波濤天樣險性
命蛟龍歡喜算此事原都容易但願板輿安穩到錦長
安重晤諸兄弟天肯鑒區區意

菩薩蠻

玉鳧香燼春寒淺
褪紅簾子垂三面
遲日蜃窗明
夢和花氣醒
起來無氣力
半晌偎郎立
箇事驀相憐
羞紅上鏡奩

赤棗子

金鑿落玉參差暖
玉堂前翠漏遲
忽漫卷簾燈影出
紅梅
花上雪絲絲

珠鈿薄玉衫
輕粉閣鑪香
別樣清小病
爲郎親懺悔
碧桃花底寫金經

拋好夢趁新涼
抹麗花開夜未央
略記秋羅團扇底
並

肩消受一絲香

商綺緒
護春醒
別後思量總未真
第一消魂前夜月小

紅簾底
卸釵聲

百字令

乙丑夏日爲沈仲復同年題證因圖卽送之雲南

披圖一笑有冥冥
松氣濛濛山色道
是楞嚴留幻境
明月曾經相識
籃裏梅青
簾前桃熟
老鶴還能說
覺來何處夢痕吹上詩筆
知否名士譚經宰官
說法靈蓮原成佛慧業
三生勞指點
未必豐干饒舌
萬里昆明悲涼劫火君爲蒼生
出他年歸隱結鄰同證禪悅

醉太平

立春日口占

許聞銷魂處逗人前消息偷覷銀屏 無端嬌喘輕輕
看扶下秋千力未勝憶春妝晨照痕瞞翠鏡秋闈夜坐
氣沁銀鐙噀處難和喜時愈細無限嬌從鼻觀生新來
病祓參詳脈候領略偏明

前拍 汗

星子香痕似有還無清涼玉肌想衫曾試翦疏綉翠竹
巾還待織薄稱冰絲繡領春酥訶黎紅沁暖入新妝扇
未知銷魂候記墜歡無力點點相思 溫泉洗罷凝脂
又別樣風流起浴時祓心將藕比情含孔孔容宜花想
露泥霏霏淺醉瞞人新愁做病粉暈脂痕認或非無端

夢怪醒來膽怯冷到羅衣

前拍 舌

一瓣蓮花小口含來敏慧無雙憶惺忪春夢甘回諫果
參詳秋意香沁賓榔銀蠟斜吹繡絨笑唾些子春紅未
易藏毫輕吮任墨痕涼蘸偷寫鴛鴦 倦來小倚銀缸
儘軟語喁喁昵玉郎祓吹簫小閣調將紫竹呼笙別院
捲到銀簧饒或防人掉還惱婢一種溫存費較量雕闌
外笑鸚哥巧學翦也何妨

一痕紗

等音四十韻攝法

雨灑夜窗涼送秋在半簾人影夢破澹無痕擁芳尊

檻外泉翻花澗盪作鞞紋深淺寒意透芭蕉碎瓊拋

如夢令

豐樂道中題壁卽和壁間張以蕙女史

一點秋燈明處強把影兒留住酒醒夢回時影也被風
吹去無語無語窗外瀟瀟秋雨

陂塘柳

四明留別蕉君

甚無端尊前眼底兜來一縷秋怨江湖載酒渾閒事不
信爲卿腸斷樓那畔記曲彘闌干小語瞞雛燕月明風
軟任寒警雙鬟涼生半臂簾外曉鶯喚 銷魂處說甚
宵長夢短懽娛都做悽惋黃金海樣春難買換得離愁
一半天不管祇淺惜輕憐總是相思券烟波又晚知今

夜扁舟載儂西去夢落水雲亂

山陰陳壽祺册士

臨江仙

新月

一抹蛾眉織樣阿誰畫向黃昏亭亭怯怯微雲和思

正好瘦影殢花魂 最是開簾拜處清暉斜逗羅裙羞

人纖指指微痕朝來明鏡裏深淺呢喃勻

南浦月

春閨送別

一夜離愁朝來清減瘦支細落花聲裏門外天涯地

楊柳依依飛絮渾無際君知未任風拋棄總寫纏綿意

金縷曲

賀研雲堂二二娶時九月望日也

檻外泉翻花漏盪作轉紋深淺美意透色有碎瓊拋
如夢令 豐樂道中題壁自和壁間張以真文

一點秋燈明處強把影兒留住酒醒夢回時影也被風
吹去無語無語窗外瀟瀟秋雨

破塘柳 四明曾別有君

甚無端尊前眼底兜來一縷秋怨江湖散酒海開事不
信為卿腸斷樓那畔記曲象闌干小語瞞雛燕月明
軟任寒警雙鬢涼生半臂簾外曉鶯喚 銷魂處說
宵長夢短懽娛都做悽惋黃金海樣春難買換得離
交贏舟蕩對西去雲落水雲歸 相思券烟波又晚知

三悲室詩餘別集

臨江仙 新月 臨江仙 天山謠不詳

一抹蛾眉纖樣阿誰畫向黃昏亭亭怯怯嬾微雲相思
正好瘦影殢花魂 最是開簾拜處清暉斜逗羅裙美
人纖指搯微痕朝來明鏡裏深淺呢郎勻

南浦月 春閨送別

一夜離愁朝來清減腰支細落花聲裏門外天涯地
楊柳依依飛絮渾無際君知未任風拋棄總寓纏綿意

金縷曲

賀研雲童二二娶時九月望日也

月色團圓矣倩姝娥重描鴛牒照來花底穗帳擡烟銀
簾小珍重晚秋天氣須瞞過鏡邊涼意試問劉郎前度
後到而今債欠相思幾好打疊那人替魚犀偷整嬌
回睇儘綢繆仝心小字風流印臂兩次情天教恨補羸
得紅絲再繫者纔是三生豔記漫道胡盧依樣畫祓美
人稿定重新起肯寄我玉臺體

沁園春

雪美人

彼美人兮是耶非耶立而望之看冰肌瘦削玉肩微聾
苔階悄立無限嬌癡畫稱紅蕉香輸綠萼小字端宜贈
雪兒含情處正花飛數點纖手拈時天仙謫下瑤池

無可奈珊珊步也遲縱心寒如水腸枯似井花天月地
一樣相思怨共雲團迴兼風舞多少春愁強自支銷魂
候又夕陽庭院此恨誰知

洞仙歌

癸丑春從友人借閱嘯餘譜得鬢青箋半幘款
署蕙卿係以美人髻詞索聞友和者中列洞仙
歌韻次六字原詞不錄惜哉雨
窗無偶按韻填之亦消遣法也

銀篋膩處正晨妝催後春鞞雲鬢影憐瘦看愁傳半面
豔疊仝心明鏡裏巧把相思綰就高低隨意好新樣
傳來笑問檀奴稱宜否釵尾燕茸新重蘸豪犀又午睡
惺忪時候待茉莉夜深鬢邊開有別樣幽香枕函消受
惜分飛 送春

和淚和愁黏幾許都做天涯飛絮夢斷尋何處綠紗窗
外悄悄雨春光此別渾無主定到那人邊去花下丁
寧語見時千萬和郎住

洞仙歌

記夢

遊仙一夢怎生生驚醒妥貼殘魂到欹枕似分明記得
小扇輕衫正羸箇夜月紅樓人靜春痕無覓處黯黯
牀頭影事模糊怕重問好个可憐宵獨自溫磨聽簷外
亂更淒緊倘得个斷夢續花邊願魂化銀蟾描伊小影

西子妝

詩夢攙涼茶烟誤晚秋意商量一半疏痕紅上蓼花枝
笑斜陽何曾瘳慣調停酒酸莫先被鷓哥偷喚燕歸來
又描摹愁彙月明池館煙波遠獨自偎寒燈影如儂
嬾西風吹恨到糝樓悄黃昏玉釵敲斷海棠不管羸得
个相思零亂問朝來多少魂銷枕畔

菩薩蠻

閒攜酒榼尋花去
遠聲吹徹瀟瀟雨
雨過野花涼
春山底樣香
柳陰穿逕曲
好鳥如人熟
流水夕陽中
白雲波底紅

柳梢青 愁

鎮日懨懨羅衾熨遍夢也人憐梅子心情石榴滋味併
做酸甜金鍼撇了還拈酒醒處斜陽半簾依樣描來
和盤托出只此眉尖

菩薩蠻 廿七黎莊題壁

酒盃不慣愁滋味閒情商畧秋燈裏今夜玉衾孤紅樓
睡也無起來窗未曙殘夢風吹去若解箇儂心吹他
向那人

太常引

春風不管箇儂癡幾次賺歸期剛待不相思又偷把金

釵卜伊懨懨心地鶯衾尋遍夢也把人欺夢若果真
時也留個薄情影兒

洞仙歌

玉簫訪豔記小梁橋過門掩花陰淨珠唾正粉闌雙燕
喚起梳頭消受者半晌脂香閒坐妝成嬌顧影背呢
星斂茸蜨惺忪貼烟妥跪地袴花涼罩上輕容問簾外
小風寒麼看笑撚花枝立郎邊但微幸相憐無言都可
前拍

綠窗晝靜算蕭郎重到空地湘簾影都悄有濛濛花氣
貼向衾邊濃睡裏越顯箇人嬌小玉鳧香未減小枕

低鬟羅帳垂垂護烟曉好夢向誰邊些子春痕偏箇裏
朦朧欲笑怪鸚母簷前說人來忽驚覺擡身梨窩紅了
前拍

渭城唱罷滯閒情多少眼底安排甚般好祇麝巾緘淚
鴛軫商愁便飄泊也合幾生修到 簾心微月白涼入
鸞衫幾點秋星帶花曉月也可憐生如此離筵偏要爲
愁人雙照縱容易明年得重來恐別後櫻桃啼鶯都老
前拍

久揀拋却怎今宵驀地舊事重重又兜起祇秋邊賭句
花底評香生換了獨自扶頭滋味 玉樓何處是青鳥

銀屏花葉書成怎生寄紅豆種西風采向天涯知此是

相思根蒂只密意如絲不能拈待織就迴文一星星記

望江南

丙辰冬仲由大梁赴袁江車行每日記一詞共
得十一解昨檢故篋僅存其二餘則散失不復
記憶矣因
補錄于此

歸去也斜日下睢州邨外不曾閑戰馬門前猶自臥耕

牛香稻幾家收

歸去也天外戰雲愁旗影碧搖殘堞角塔尖紅過亂山

頭無恙到徐州

醉花陰

戲贈東鷗生

斷魂風雨無憑準賺煞花情性移燭向燈邊一箇情人

兩箇相思影 酒懷不耐秋宵冷殘夢愁中醒縱不
憶人時葯氣羅衾也念些兒病

卜算子

十二夜宿雙樓

好箇可憐宵打疊閑衾枕月自團圓酒自溫夢自秋邊
冷 續續漏聲沈漠漠茶烟醒紅是燈兒綠是窗瘦是
人兒影

虞美人

三月十一海上臥病聞浙省寇警欲歸未能感
拈此解

牡丹花底紅闌折燕與人俱客閒情已是不禁春何況
春來小病與愁并 飄零身世傷離亂不管絲魂斷家
書一紙未開緘先向題籤兩字看平安

洞仙歌

慊慊睡起把夢痕重認十二紅樓斷芳訊笑朦朧燕子
生怕春愁先悄地覓箇香巢棲穩 孤雲吹不斷翦了
還連影事淒涼怕相問容易說無情道是天涯却偏又
隔花人近也忒煞難猜個中緣賸一縷情絲儘人消領

醉花陰

山塘卽景和玉森汪同年韻

畫船細雨黃花瘦羅扇新涼透水樣好秋宵商略清遊
莫放西風舊 水沈香屑溫金獸月色明如畫人倚水
窗邊脈脈銀河吹墮天孫宿

滿江紅

蕪客以團扇屬叔云畫牡丹書自填滿江紅詞
寄人卽次原韻調之

箇樣風懷剛寫上研金羅扇亦一捻團圓深意除花曾
見粉葉羞攏衫影薄唾茸嬌沁脂香煖問髻邊春色畫
中愁誰長短巾麝冷銀梳券葉鴈瘦紅蘭怨怎珠鐙
無賴夢隨人遠翠幔小風雛燕病綠榆殘月啼鵲嬾又
幾時花底訴相思憑肩看

前調

美人抹胸

燈下擊鉢唱韻與叔子越縵同

熨貼春愁正深護玉窩溫處看半褶訶黎新樣微熏蘭
炷繡襪軟兜胡蝶翅錦鞋尖簇春鸚喙背銀鐙羞影解
春衫防輕露遮爪印圍腰素情密密紉如許記郎心
却月定情偷賦粉領斜縈珠一索雪臍暖約金雙縷算

玉包肚曲最銷魂鸞簫訴

前調

美人鞋尖

與越縵同作

銜出珍珠恰鳳嘴纖纖新染看拖逗鬱金裙縫半鉤春
淺握處巧分菱角瘦兜時暗刺苔鬚軟更迷藏簾底一
絲紅忘遮掩疎雨陌東風院閒立處情何限怪落花
無賴春痕偷翦莎徑蹴毬金縷濕秋堂點拍香絢煖道
蘭芽一樣可人憐量還欠

雨中花

驀地相逢無可說悄攜手畫闌干折耳葉羞紅眉梢謹
翠春在桃花月燕子分明還記得怎瞞過東風消息

小樓聽寒烟殿斷夢殘了春衫纈

孟調

孟調王氏名星誠浙江山陰人幼有異才未冠補博士
弟子旋以家貧遊河南北為書記咸豐己未來赴京兆
試試畢病榜發中副車越日卒年二十有九其友李蕓
客民部發其篋得殘草如干首手錄存之其全稿不可
得或曰在大梁董氏顧不能致也余未識孟調因陳生
珊士得交于蕓客耳孟調名讀其遺集想見其人恐日
久撤失為梓以傳於戲吳越之間面斗負溟魁艾俊姝
接趾多有其枕馘于巖壑而名汶汶者亦不知其凡幾
孟調所傳雖僅此以視白雲幽幽蟪吟螽吊者不以優
乎吳縣潘祖蔭識



迫飢凍極目關河託哀諷蒼生會待斯人蘇文章豈直
名山重嗟余落拓輕故鄉行且短劍走大梁君今幸假
尺寸柄正與天驥資騰驤願君功名蓋當世肘下黃金
眼中事十年種學道在茲毋爲區區昌其詩

珧宮秋扇曲

銅仙卻露流珠曉夢狎瓊人泥蘭笑翡翠生綠侵繡檀
粟粟鈿蟲燭房悄珍珠絡帳牽帖犀鉤羅茜捻溫緞黃
腰襦尺六結梔子墨花卷空湘雨啼鏡屣雙鸞展瑤訊
泥金小卓青芙蓉鬢雲膩押象牙梳顛起釵茸咽春韻
冰奩涼雪研指星睡蛾眉葉江蘼青花題小印約兜翠

嬌樹一枝搖水晶綃宮背人叩箱玉紫海圓波染成綠
纈雲淺摺棲桂塵凍死鴛鴦三十六麝姬選帳銀荷涼
素烟亭亭來練香葱珮微怙怯蓮液璇房避幸題粉齏
阿郎艷譎掩妝夕捉搦紅心臂紗窄蕉魂桂魄不長圓
吹樹團香抱孤月燕支瑤鬢生夕波抹麗風軟愁虹拖
涼簪敲竹戛珧蹋簇籬瘦瑤螢火多早紅梅雨丁香墜
纈作冰絲藕腸脆嬌痕點點沾髓珊廿四蒲萄泣遙吹
綺疏隔霧調雌絃玫瑰七柱琅霞妍玉晨牢騷寫秋恨
蘭颺不到緋羅天綠綈冷搵鵝梨澀柝髮何因織鸞翼
子夜香臺迴燭龍花宮無限相思碧

龍山道士法場歌

紅螺吹月夜霧開龍山道士朝天回銀旛金笈肅鸞隊
神仙恍惚空中來笙匏鏗鏘雜金石羣真叫噉玉靈鷲
紙灰卷空吹復低冰花綵繚口法衣夜深上座展瓊秘
畫燭屏風笑聲閉

臨平

上河新雨上蘆鳧小墅春烟叫鷓鴣莫向睡虹橋上望
好山青處是西湖

杭州北關外泊舟

小市午時閒春帘勸客船城陰連野竹江色上晴天別

意浮梁迴羈愁短驛先越山渾不隔祇是莽寒烟

道傍見春柳漸長

千絲膩綠不勝梳臥水眠沙態有餘好似雛鬟新覆額
亭亭裊裊十三餘

道中雜詩

蒲帆影裏白蘋香一味思家夜易長耐耐虎邱花舫子
六更絃索做淒涼

春半荒村尙試燈春哥踏臂月三更孤帆已是淒涼甚
禁得吳孃擗笛聲

大堤登遠書感

萬里新寒接塞陰平沙盡處見明星漁燈涼孕鷓鴣碧
馬骨秋圍苜蓿青故絮壓肩風更入短靴扶力酒初醒
窮途感觸真無謂終古河流去不扃

傷都督向公

夜帳星辰隕東南哭素旃出身經百戰授鉞感衰年聞
道樓船返翻愁鉄甕壺頭師未捷怱悵馬文淵

奉侍叔父中丞公持節巡河馬上口號

滾滾長河繞節樓趨陪旌仗得閒遊清門子弟關人事
亂世文章畏濁流瘳馬嘶寒先報曙餘梁閣雨不能秋
瘡痍滿眼誰應起枉費儒巾發古愁

枕上聞車鈴聲

淒風高館夜聞鈴單枕惺忪別緒生憶得年時妝鏡側
兩三簷馬打簾聲

過鞏縣杜子美故里

生未入蜀浮三湘十年哦詩筆力僵短鞭瘳馬今日始
來經鞏洛公故鄉鞏當千山萬山秀俯瞰大河低可肘
洞房土室迥清奇居者直疑皇古壽公胡年少輕此邱
荆棘萬里貪豪遊一官間道奔行在九死餘生哀暮秋
可憐數年住同谷拾橡採柶日不足醉中罵坐豈初心
祇以長歌當號哭當筵倘遂捋虎鬚或者成都萬姓焦

勞蘇老嫗何物強解事扁舟一夜歸江湖西風勞勞鬱
林道舊夢溪堂無復到自古詩人厄命多當時幕府憐
才少獨將幽憤過一生耳聞克捷心猶驚兵戈未息公
已沒蠻烟瘴雨魂難甯吁嗟天子蒙塵臣客死臣有詩
歌見臣志直是離騷一片心恨魄相望隔秋水我詩未
工身已窮時非天寶憂則同沄沄黃流美人杳思在洞
庭湘水東

洛川道中

一別青山條半年詩情畫意忽爭妍此間大有江鄉思
祇欠滄浪著釣船

一川新水拖藍嫩十里平林淺綠殷好似故人團扇畫

祇疑歸夢到柯山

越縵子嘗有柯山紅樹
畫扇光景絕似此間

曉晴走馬河陽道中

卅里郊原結隊行眼中風物媚新晴平巒過雨青歸樹
寒草拖烟綠上城隔水稻香禽語妥當風人影馬蹄輕
天涯但得長如此便倚鞭絲過一生

大河南北郡縣多
被蝗而河陽獨無

麓事方盛可以
知長官之賢矣

孟縣謁漢漢壽亭侯墓

百戰纔分鼎吞吳恨未銷讀書知國賊愛士過羣僚所
向無中夏爲靈壯 本朝至今尊奉意宮闕闕蕭寥

與汪暉少尉李嘉時貳尹約遊龍門伊闕阻雨不

果柬汪暉

昔者李客過汴河訪我來堅看山約風塵骯髒行路難
昨者鞭絲指伊雒入門下馬逢汪倫器宇不數瑤瑤琨
語言豪氣震屋瓦爲我歷歷談龍門白云游跡經再宿
摩厓題詩遍山谷浩歌平納四山秋雪老雲頑動心目

斷冰十丈絡瘳藤危石孤掌吐神木透迤百級叩樵徑

翠磴盤空互紆曲賓陽

洞名

路險境尤闢附棘攀松敞僮

僕洞中古佛一萬尊大者如山小如粟鬼工鑿鑿無俗

痕醜入鬚眉道心足潛幽韜隱相最真百怪千獮後難

續山心佛性兩有會斗覺神氣蠲穢濁身輕躡捷凌絕

頂夜聽痴蚪抱烟哭天明散髮下雙闕至今體健頭不

沐我聞此語神觀馳汪生汪生真導師相逢定欲把君

臂此間何可無吾詩回頭更呼李客坐看取名山終屬

我亟脂我車芻我馬飽飯黃昏掩齋臥不知天公所妬

人好奇人意欲速天能稽老晴十日忽狂雨一夜滂沱

三尺泥洛水湛湛那得渡上山泥滑難容步山鬼虛含
翡翠愁水仙不喜瑤璫賦仰視大野天沈沈西風吹雨
沾我襟豈是幽靈厭塵俗不容半日汗山林廿年會稽
禹王穴別薛尋碑犯風雪此生早與山有素肯令當前
歎遼絕對客長歌行自哀中年腰腳漸衰頽天涯馬足
甯知路何日擔糧決計歸

三山

安坐四月餘漸苦骨節死竭來侍旌從勞轂復當治河
津軌途息厓側馬足始入山方菌縮下阪忽駑駛谷暄
被晨衣巖果悅塵齒松樾森四壁嵐光照人紫百轉無

一同峰峰出奇恣局束緣蛇徑陰風冷激矢行人互高
下在後失前趾尋聲諦言說索景昧往眎讓道喜近古
叱馭慚未仕獨愛巖左村蓬茅契幽旨窟室樹作門低
泉馬擔水木棉交小麥耕織都有恃吾心苟志隱勝境
卽在是惜哉靈府液重爲利名煑山居靜氣多境外人
事起白雲自留客投鞭已城市

首陽驛

至性不可做秋風薇蕨新空山窮餓日垂老弟兄身直
諫存吾道陰符惜故人子方懷仲氏何以弔遺民

緱山

立馬緱山晚照昏諸天笙鶴杳無存披榛獨下荒祠拜
我是仙人百葉孫

大風孟津渡河

對酒復當歌西風卷大河浪頭爭岸上篷背得秋多一
雨水聲濶千山馬影過敢云豪意盡古井有時波

河朔

斷逕荒蹊耐客尋草長石瘦少人行牽蘿埽碣雨浮字
踏葉下山霜有聲世味劣如村酒薄詩懷莽似野蘆生
也知此念終無託每到深秋百感并

孟縣阻雨

漲霧浮烟舉眼愁寥寥虛館怕淹留山城木葉敲殘夢
夜雨河聲入暮秋庾信早成枯樹賦阮咸空預竹林遊
可憐半日逃鞦韆嬾煞桑邊病牯牛

客有詢鑑南春事之勝者長句畲之

二月南塘鏡樣圓水容山態儘人憐一湖魚氣白浮樹
十戶筍租青上船酒幔嫩陰楊柳海飴簫寒食鷓鴣天
年時半幅鷗邊席葛帳單裙望若仙

曉晴散步

一宵苦雨過殘醉破曉新晴得放閒敗葉眷秋還著樹
溼雲爭旭漸離山無端眼淚狂難蓄太瘳詩心愛未刪

莫道獨吟餘獨賞路旁渾已笑癡頑

陳珊士庶常

壽祺

登第假歸間道出大梁過訪席

上送別

讀書廿年爭此日射策金門未三十西風千里錦袍秋
獻壽高堂健猶昔悲君少孤奉母居糠燈蘿屋傳遺書
春官數謁良苦別賴有燕婉能娛姑三日芙蓉鏡中曉
看君親製泥金報上有百拜加餐飯下言兒貴歸來早
藍子花落槐花黃摩訶一曲冰絲涼衫巾連臂踏春月
毬仗扶頭過夕陽花光上酒春心熱爛醉直須三萬日
平生一試丈夫豪亂世可憐名士拙長年冷粥山厨寒

一朝意氣教人看文章有用甯獨是富貴逼人如此難
我從別君向西走已分雲泥終古剖不道天涯落葉堆
尙有今宵一尊酒老母倚戶妻停機行矣馬蹄無再遲
臥龍山北早梅發堂上康強報我知

重九日與中表陶森貳尹登大堤眺遠

天末作重九擔花及訪陶嶽雲盤大野河影落秋壕露
犬爭寒吠霜鴻磔凍毛無嫌風景惡有酒尙能豪

自輯數年來所作小卷題句其上

擁褐磨磚歲月窮牢騷風雨伴秋蟲讀書太少才難傑
感事方多悟易通未欲嗜奇終苦寂敢因諧俗遽求工

相思欲寄盟瀕社多恐詩歌近更雄

雜憶

素月銀霞淡處工蘭芽生小不禁風繡雲山下楊花老
零落東州盛小叢

冬郎慣賦懊儂歌梅尉詞邊酒債多記得春船扶醉別
一燈花雨渡曹娥

竹粉蕤絲二月天真娘墳上草如烟思量何事干卿處
腸斷楊娃未嫁年

四垂羅帳掩春愁美玉從來出世羞略記年時修笛處
柳絲前面小紅樓

月子新詞半格傳娥娥爭唱想夫憐江湖十載填詞筆
斷句飄零到酒邊

題姚近韓觀察愛怖圖觀察自言前身為潤州蓮
性庵僧幼年夢中時遊其

地故繪
此圖

琴女餅花任自過定中眞力走天魔卽令小搗兵刀苦
願爲蒼生掌一摩

法喜吹成出世曲莊嚴看作淨名經茫茫廿六年前事
我亦焦山退院僧誠墮地時先君子曾夢焦山
退院僧某來謁寤而生誠

不寐學東野體

擁褐中宵臥惺惺斷夢痕鈍驢齧樹動飢鼠蹋燈翻道

氣扶秋傲禪心拓夜昏蕭寥聞雁後此意共誰論

冬夜孤坐憶陳延年

自憐枯影見孤棧坐守爐灰剩欲冰酒外薄寒棲畫檝
梅邊殘雪款詩燈天侵歲暮艱為客人到中年靜愛僧
卻憶擁裘過夜永愛閒惟有季方能

中和節同 陳延年延益

黃廷贊別駕試

馬東郊至張家園林二首

勝序借幽好餘情不可羈客中間日少貧裏酒名低落
日雅爭樹荒村犬候扉似聞過小劫風物近淒迷
調鶴留茅徑延鴻敞水廊薛陰藏畫佛花氣閉虛堂話

喜村儒拙茶分灌叟忙下堦還悵立人境正蒼茫

後六月再同延年延益陶森遊孝嚴寺

並馬荒城曲沙陰路不塵地偏多日永寺寂見時貧倦
鵲從僧夕孱柯待雨春故人虞殞處捫腹一傷神

憶去年送
夷沅通判殞曾一至寺
撫今懷昔黯然久之

聞江南軍聲大捷喜而不寐作此四首

夜火落星旄江聲走賊壕力窮名將出恩重戰功高酒
漉匈奴血花明日本刀 九重深望捷庶以慰憂勞
反正亦何害雲臺畫李忠酸辛謝妻子慷慨赴奇功屬
國尊都護殊恩拜總戎亟須嚴賞罰東國酒漿空

揮淚喜心極浮生意氣增將軍新受命小寇爾何能飛
檄滿淮浦連兵下秣陵商量江路近歸計詎無憑
廢壘黃山暮寒烽赤壁秋瘴深宛馬死幕冷楚烏愁及
此收天險猶能剪國仇無爲效楊僕頭白始封侯

山居秋思圖爲友人題

六月火雲蒸大河埋頭喘汗卷如螺故人示我一尺畫
滿紙但覺秋風多念汝江南舊名族葑溪藏書上連屋
家餘五畝種花田天與十年讀書福自從隨宦來大梁
天馬苦被凡塵纏夢中千里劍池月舉眼影落長河黃
天生大才必軒舉不見寒宵飢啖芋從來吾道薄文章

豈獨狂歌動風雨麥場牛角猶著書誰謂至業須田居
知汝素心託山水不肯愁棄先人廬我家竹堂臥龍北
破筒窮蘊黯無色蕭寥猿鶴怨離人席帽天涯歸未得
安得名成共遂初卻從越絕下姑蘇相逢一笑頭如雪
更畫名山老友圖

呈周容齋丈

弧南一星光北辰左倚蒼玉昂蚪身黃河下天斗牛側
一笑獨遣人間春 朝廷夙聞郭有道苦戀詩書致身
早文章已看獬廌尊光采猶矜鳳皇老皮膚凍作乾梨
紅小兒飲啖無如公暮年精意託毫末磨頭濺水爲英

雄五十年中學書力生氣不受十指抑惟將寥落契道
心風雨高天叩新得知君爲人觀君書謹嚴簡貴今所
無羽衣仙官肅環珮叩齒不走通天狐河南褚公最簡
妙煤尾蛛絲得者少涪翁學褚亦凡骨仰嗅餘香逞妖
好君書瘳硬乃見真要人紙背窺精神卽今京師鉅公
盡傾倒鯁生何物能礙倫昨日新晴好春旭爲君手注
蒲萄綠先輩高談久不耳直當循疏古書讀君不見城
中貴游日高車儂薄紛紛無與徒安得江東比鄰住長
願命作磨墨奴

春分後二日陪諸貴客登吹臺用李獻吉登繁臺

韻

旅情荒落掩蒿萊強逐豪遊上吹臺盜賊積年春事晚
河山無際亂愁來蕪城過馬塵逾上花墅無人雨自開
薄酒不堪懷瘳杜高歌青眼有餘哀

送客歸山

三月夷門雪黃河凍不流看君驅瘳馬破帽下徐州酒

泐楊梅紫田收橡栗秋終年玩雲氣世事此悠悠

丁巳除夕泌陽縣齋守歲

舊年曹縣臘今歲舞陰春遠道窮難擇中年感漸真安
危偏視賊意氣失依人鬱鬱終何極時艱惜此身

懷人詩

當代張威伯輪困表歲寒和平得友廣貧賤著書難短

髮年年白清詩字字安麻衣墓旁淚今日儻應乾孫垓

秀才

四子微言在今看氣象新高歌長戾俗元論肯窮人老

友知心淚空齋臥病身幹南花樹發不見兩年春陳潤

孝廉

落落稱通隱城南第幾人糊頤悲母老捉鼻受妻噴魯燮

約禽慶在長年馬肆貧向來飛動意應恨鬢毛新

元秀才

相如好詞賦辛苦得貲郎綸布衣初綠官錢酒不黃詩

成必橫絕貧裏獨軒昂幸謝他途進于今脫盃傷周光

祖戶部

雲阿老從事五載臥旌旄豪健依人拙文章覘食勞骨

奇知愛馬淚熱欲磨刀何日手文露因成長揖高周灝

孫大令

戊午元日書懷

爾足天涯又一年壯懷鄉思兩茫然無多好尚猶妨俗
有數才名莫問天得意幾曾關馬足寘身空欲競難先
誰能久事官傭筆坐使窮途羨介騫

伏晚雨歇書齋甚涼讀書久之起步屋後小池看

月二首

索妙匪自遠多悅趣斯迥高軒微雨過新爽及裾領攤
書坐忘劬展簟臥猶斬獨賞未形寂思與孤月靚夜抱
豁疏葛吟味入苦茗琴上秋氣早爐中香意靜邈茲近
取勝俗遺予所景此間但是家所好或愈永貧來肯知

足當歡每深省睠言懷征人馳驅正傳警

夜中露愈下冷風載其清餘素曠難盡行眺池月晴星
辰浸寒碧迴照墻陰明樓臺不可色淡與烟靄平尺水
知有魚跳沫微聞聲瑩然一泓雨道爾百體輕窺影得
爾我真覺寂不生豈無廣川富多好妨專情何如舉眼
處遠想江湖并持此叩秋夢了了證涼盟

子夜歌

顏色博人歡恩誼那不乖上床是鄉里下床是天涯

湘夫人歌

秋雨江湖帝鄉隔湘竹叢叢楚天色朝雲一角靈旗風

山鬼伶俜蹋空碧冰絲五十湖南歌刺船欲往愁橫波
山中桂樹晚花落烟外月明何處多

壽俞戢園書記四十

神馬達千里及半不汗足人生至四十流品定賢俗俞
八精勤迴無匹少小奇窮借書讀十年挾策走河洛苦
志居然富收蓄文章得力聞識多就中尤勝推詩歌骨
幹開張氣渚古格律嚴正心平和吾鄉能者數漚縵周東
漚李越縵李未知角勝當如何我從辭家久無和迂拙常受人
譙訶頽流抱柱勢日迨議論遑敢專從苛豈知爾奇合
一耦與君意見同曰科君如古柯苦無色我若折枝尤

少力小技終爲壯夫笑時事甯無布衣責君年方強學
且成况復佐幕知刑名杜陵避地蜀州富韓子從事淮
西平歌成豈但抒感喟要在著述關民生北風蕭蕭晚
吹雪樽酒荒燈共斯夕英雄敢信君與我不朽誰云今
異昔願君少除案牘苦手爲人間定詩律百年尙有一
甲子努力讀書完至業

汝墳道中

日暮胡笳急寒郊白骨多壞雲圍大野戰氣接三河荒
戍知誰在浮生奈汝何青袍塵土滿揮涕賊中過

賒旗店

荒鷄喔喔鳴客子作哺食驅車入寒楸村落慘無色塵
肆斲完舍瓦石紛揭礫焦土漸成軌已復長荆棘叩門
索旅飯傭保走逃賊道逢擁衲翁相將土銜側無人念
翁老來往頗躑躑磨頭呼老嫗燧火久始得兒幼隨嫗
至見客顏貌惛老嫗跽劉薦老翁行煮麥再三謝粗糲
春耕廢廣陌兒郎應團兵老人苦無力太息甲丙來荒
亂少甯息就如門前路百年聚都邑六月燒東村糜爛
及魂魄炊爨二千屋搖落不滿百屋中無丁壯丁壯均
被役稍稍逮細弱雞豚等驅迫所餘眼中在後死終一
轍日暮風蕭條天陰夜寥寂飢魂與敝鬼嗚咽啼向壁

少長 高宗朝鋒鏑目未識艱難及星鬢蒙此長命
阨我來兵火地悲慘已淒惻又聞老翁語淚落更填臆
揮杯勸之醉舉醕有餘渴破涕重改辭雀躍棄杖策戒
我行勿畱少留賊將出流離愧高意浩歌以爲別嗟彼
衰朽年吾生復何極

南道

大冬二日風怒號排牆倒樹狂如潮乾坤晦黯失真相
我發南道當斯朝黃沙之中別親舊握手不辨言嘈曉
引衣裳頭出門去四顧滌瀆心煩切行路艱難易短氣
得勢惟有塵盞高眼中萬景會真託身世百感悲兵鬪

卽今南方苦羣盜妖腰亂領填四郊旄頭火光照千里
指顧村落來灰焦縣官口口保境內將軍總統翠尾貂
黃金斗大亦何事天弧一星騎招搖蒙古兒郎好眉骨
安得躍馬從而曹左手雕弓大羽箭右手七寶千牛刀
三十六人擁馬後殺氣所向窮犇逃人生有此亦足豪
世間僞術輕於毛可惜三尺不我操骹髀塵骨埋青袍
幕僚上坐飽一粟議論以外無功勞吁嗟從軍所貴惟
殺賊萬里何能惜離別仲宣登樓空復悲漢家黃巾滿
梁益輪蹄無謂年復年散髮風前長太息

七陵

洛水湛湛晚欲澌虎牢秋色尙峻嶒年前一剗冬青淚
又整殘衫過七陵

邯鄲旅店

滿衣塵土晚停車洗腳升堂一盃茶自檢松條蒸粟飯
不知清夢落天涯

贈登封王丹麓縣令並柬洛下汪東初

伯樂一顧萬馬暗鹽車骹髀乃有真卽看俗吏浩如海
我能於畫深知君吾家山水維與宰本朝奕奕尤有人
麓臺荆川太崛強後來幾輩傳芳芬畫山所貴得山性
必有身造方能神聞君放衙對二室床屋未屑收凡雲

觀香積翠牛奴走天風玉女來比鄰癯龍顛顛踞其肘
下筆甯願造化嗔吾家禹穴頗神秀十年跂腳陵秋霽
石氣到骨心計拙山風吹衣皮膚皴出門短策走汴泗
披髮仰笑誰將倫中朝人物過江盡韓陵片石今無存
山河污濁誓一洗小夫橋舌疑金根黃沙茫茫眼睛死
猶能爲子開浮塵丹青雖好亦小技願君手挽蒼生春
墨池涓滴蒼霖雨壽民當與名山均乾坤清氣本吾有
毋厠齷齪凡兒羣此意人間會者尠爲誠問訊窮汪倫

自題畫二首

細檢涼秋媵老饗菊花宜粉蟹宜糟西風一夕將霜至

東浦航船酒價高

故屋西頭枕若耶當門一樹密梅花何年得向傳燈院
更乞山僧夜煮茶

補錄四首

甲寅秋初自姚江歸柬季貺並寄純客

昨從李白來爲言山居日臥病剛兩旬讀書已一尺其
時春莫我暫歸花落雲深望難卽多君屢問元宴苦慙
予未欸崔儵室出門莽莽江流渾春寒筌案衙齋昏遠
聞故人半羸臥我亦布被呻羈魂十年苦學饑寒力鬼
妬難平例灾疾一身百罅已莫補滿地干戈更何術秋

風牢騷哦楚辭願君強起張羸師山河枯燥奇見骨世
事鬱佛形為詩蘿菴詩人病不死吾道堪行卜於此會
須同上又魚船來向斜陽話烟水菴客今春以病居柯
山蘿菴時予旋里數
日即行未及至山中也今予
病歸菴客已還郡城故云

蕭山寄懷李大越縵

慈銘

忽忽已成三月別故人道爾苦吟詩傷時涕淚狂猶昔
倚樹光陰病倘支下選有田供箸述上春多雨足相思
商量載酒湖南路擘脯彈箏定幾時

夜與東鷗論文聯句用韓孟同宿聯句韻

孤生叢飢寒宋處謝謗譖芬風禽拙嬉敖淵魚悅沈浸

誠味道匪擇腴飲俗况中鴟芬野趣敦微行癯情慳累

枕誠迹迂世所宥性嬾天亦任芬癖古甘墨慵瘡中觸

酒禁誠矜花僭初韶斥葉戀餘蔭芬澄宇衆曜翕凍野

百吠吟誠眇燈怯霜威疣琴想雨識芬種學言方蕘著

隱志已賃誠識洞金石敞語烈冰雪滲芬交鉤競創獲

猶驥汗赴飲誠淬鋒刊枝詞猶日破氛禊芬畸論羈兩

奇塵縛脫一闖誠名繚媿獨躡學縵喜共沁芬物妙鏤

蟣蚊天心橐龔暗誠及爾勤著書至業出耕紉芬

冬日泊雨西鳧山下再疊前韻寄越縵

萬木喧高秋一雨返其嘿接葉屯來雲霜華閃寒色山

意在混茫烟靄匪所惜謾謾風吹暝沈沈晦疑夕渾沌
入竒想幽渺拓近識石氣冷上衣陰厓動魂魄獨憐造
物窮百想創一得元氣不忍敝艱難起枯寂荒寒使之
悲流光乃成別舒慘豈有常寄妙偶遺跡孤夢不可餉
茲賞定予納造景得所悟元情待君說

附詞

望江南

念西鳧山居作也

山居好十里鏡湖南寫塢賸雲楹舊竈岳山飛雨落虛
潭餘翠掩松杉

山居好門外野梅春縛篔讓根流水路折枝橫髻過年

人香意隔溪新

山居好寒雨破春烟百道溪喧魚網重一犁泥滑燕翎
偏贏得酒杯閒

山居好風景晚春天花裏夕陽西子社柳邊涼遂上河
船嬌煞小青帘

山居好兒女慣蠶忙束筍工夫才入市焙茶天氣又分
綱還待翦春桑

山居好時節又梅黃醉硯解談鍾進士水村多唱蔡中
郎蹋月下前岡

山居好縛箇小茅亭籐几教安多竹處苧衫來臥古松

陰汲水浸雲根

山居好涼月夢同時自捉書燈尋蟋蟀偶攜漁艇訪鷓鴣
鷓鴣水際最相思

山居好清話夜初長芋白粟黃山酒熟藕絲菱角月臺
涼風逗竹釵香

山居好斗米納新租破甑香紅炊晚稻壓船殘綠賣秋
蘇生計不曾疎

山居好木落小樓高涼思著衣琴語歇烟情如水畫禪
遙風雨更蕭蕭

山居好新醅酒香微暖窻花如嬌女瘦春盤橘似粉奴

肥燒葉閉寒扉

山居好深雪訪精廬斷竹聲中孤鶴醒蜜梅香裏一僧
癯借讀寺樓書

山居好幾處負暄同矮屋書聲開小學地爐閒話就村
翁餘味耐冬烘

山居好新麻報宜春花勝看粘蓬戶小松明自撥粃盆
勻又過一年貧

山居好幽賞四時宜畧比神仙多眷屬便忘年代也期
頤因甚判輕離

醜奴兒 冬閏

三
蜜梅花外天將雪，剗破黃昏人似鑑。熏祇得春情一晌
溫。寒宵偏是無心曙，半睡還醒暗淚無痕涼。做繚綾
一角冰。

四和香

夏日雨後

準擬輕紗籠薄暑，忽做纖纖雨。雨後隔牆聞笑語，夜來
秋幾許。一樹嫩陰無著處，燕子涼邊絮。簾靜不教香
散去，點書閒過午。

霜葉飛

書感有寄

江淮楚豫干戈地，疲驢何日歸去。連營燈火，笛聲中千
里，關山雨寫尺素。留君且住，黃河木落，秋聲苦來共此

窮酸脫帽向楓天，唱我一秋詩句。何況慘綠西風，艱
難行李，早霜晚雪欺汝。江東無我，誰能酒更恐歸無主。
好珍重，萍絲柳絮，牛毛富貴，曾何與。常侍貂儀同狗落。
日愁邊，乾坤如許。

月華清

冬夜宿河上金司馬水亭

一桁涼陰半檣，初月好箇水邊亭。子誰判到今宵，著個
練裙秋思，擡眼處暗柳冥濛。料有夢和烟渡水，無睡聽
西風打屋楞。楞窗紙更倚危闌，遙睇憐十畝冷香荷。
柄都死，野葑平窪，人道黃巾曾至，費幾許小劫魚龍竿。
做得夜涼如此，空付與荒城殘角，訴當年事。

卜算子 秋閨

墜葉打簾衣閃得秋燈碧寂寂房櫳小膽寒斷雁來時
節薄倦反惺忪錯怨羅衾窄孤負西風度玉門有夢
來今夕

蝶戀花

蓬山只在傷春處不隔天涯但隔梨花雨多分日長無
意緒紅樓一角斜陽暮今日鞭絲慵再駐簾底分明
強道恩恩去擡眼畫橋楊柳樹年時拍扇兜香絮

摸魚兒

戲柬陳菊莊別駕

餓書生但求飽耳其他非所知也相逢小恣屠門嚼食

肉健猶如昨叶君莫詫君不見杜陵醉苑牛心炙酒杯
誰借賸飽喜飢噴貪眠白地橫被灌夫罵笑公等坐
享太官厨者安知大庇天下饑來何不餐乾腊幾輩傷
心此語君解麼便麥飯荒涼也待春衣貰等閒腰膝算
不若從今一肩破褐同唱寶坊化

百字令

六月晦日至黑坳金司馬聽事觀荷

平隄廿四暫偷閒存訪菰烟蔣雨秋近水鄉纔幾日涼
得晚荷如許露暈疎紅風搖亂碧花氣愔愔午葛衫人
影鷺絲來共秋語休問環珮當年畫船吹笛寂寞橫
塘路一屋冷香團作暝簾幙悄無人住斫藕論錢拗蓮

佐饌狼藉憑誰訴瘦魂飛盡夕陽衰柳知否

金縷曲

薄遊宛南感賦

又踏黃塵去笑年年馬蹄無賴苦禁人住三十許人成
底事孤負麻鞋肘露算有甚此中佳處局促諸侯賓客
坐詎隨緣粥飯堪終古南國恨况兵火 江城水落書
歸否倘傳聞平林盜賊應愁慈母小屋梅花茅店月殘
夢一般淒楚更休道青衫遲暮兒未成名親漸老便眼
前菽水何時補祇贏得一千路

白如一和曩前受異可非去世計今日映否

十餘載首發淋豎鬣非對恨何收滄醉何意孫心無
事輒中感賦逐麻 留許七信手趁笑天雷管效纒夫
此柴隄三平纒世文章斷手富貴幾輩赴去干嚶何
限來收相只天戮悉野西風人與餘亦亦替曩人俗韻

大正東志

東甌土

金縷曲

金樓山 薄遊苑南感賦

大江東去

東珊士

別來如昨只天涯添得西風人瘦綸布衣羈難入俗觸
地柴荆三斗雞肋文章鴻毛富貴幾輩堪備走干卿何
事醉中淚搵衫袖 留得寸許毛錐笑天甯管汝雞先
牛後算有殘杯還屬我僕射何如飲酒可意紅心無端
白眼一味難消受長河北去世情今日知否

鐘稿
嘯寄覽

高齋

和齋

曹念生應鐘詩文一冊於黃孝侯處得見愛其古雅間有考證遂付諸梓念生工篆書嘗客吳子苾丈幕中為其評考金石集中所詠漢印泥封七古即吳丈所藏四百有奇從古箸錄家所未見者也子苾丈子仲飴孫庠生好古能文不墜其業余屢勸其刻丈所箸攜古錄及輯漢印泥封為一書猶未果也此集刻成附記之同治壬申七月吳縣潘祖蔭

之令力政切又為使令之令耶丁切長為長久之長直
夏切借為官長及務之長知丈切又及物之長直涼切
括一文以既其餘也鄭岐仲氏曰學者之志在於識有

王申子良吳總番疏藎

韓蕤曰或桂或一書辭未果出此集後或謂諸之同辭
主彼古論文不遑其業余曩曩其咳文刊善辭古經又
百有奇矣古善辭宋刊未見昔出千茲文千中論經與
其精善金可集中刊稍異曰或桂子古唯吳文刊藻四
百善盡教於前林念主工樂書嘗容吳千茲文幕中為
曹念主顯靈詩文一冊於黃華於顯野良愛其古錄聞

昭敢覽館稿

歙縣曹應鐘

六書段借論

周禮八歲入小學保氏教國子先以六書一曰指事二
曰象形三曰諧聲四曰會意五曰轉注六曰段借前五
書皆有其事惟段借一書竝無其字許氏曰本無其字
依聲託事令長是也蓋令為號令之令借為命令令長
之令力政切又為使令之令郎丁切長為長久之長直
良切借為官長長秀之長知丈切又長物之長直諒切
拈二文以概其餘也鄭敝仲氏曰學者之患在於識有

昭敢覽館稿

義之義而不識無義之義段借者無義也又曰六書之難明爲段借之難明也六書明則六經如指諸掌段借明則六書如指諸掌其論至矣段借者本非我有借他人之有以爲我有譬之懋遷之徒借人之資以爲我用而其初竝不我屬故曰本無其字也段借一書爲義極廣苟求其故引用所不能竭有一字兼數義者除本義外皆段借也如初本裁衣之始而借爲凡物之始易本蜥易而借爲難易變易字財爲貨財而借爲財成適財字商爲商度而借爲宮商商旅字台爲台說而借爲台予竝與之切又爲台鼎土來切壬爲壬儋又爲襄

壬字項爲頃矣去營切借爲俄頃頃畝去穎切又用古文鳳象形朋飛群鳥从呂萬數故呂爲扇黨字來周所受瑞麥來牟一來二牟象芒束之形又爲來去字竝洛該切又勞來洛代切鬪鳥在巢上象形日在西方而鳥鹵故借爲東西字又如今所用虛字皆古人實字也本艸艸字本出氣省本州省省字後爲借義所專遂加艸爲塋加口爲嘑加水加言爲渚諸字也本注洒器亦作芑亞亞象女含之形焉鳥黃色出於江淮閒戔刀刃傷也豈豈弟也其箕也而頰毛也於孝鳥也凡此皆當以許氏爲宗說文九千三百五十三字而近來字書所

載之字四萬六千六百有奇許冲上書云慎作說文解
字凡天地鬼神山川艸木鳥獸蟲蟲雜物奇怪王制禮
儀世閒人事莫不畢載然則漢時所用中字包括乎九
千餘字中其外皆爲贅文矣徐本有新附四百餘字好
古之士多不肯用恒借佗字以代之近鈕氏有說文新
附攷一書雅可尋究後之學者苟知四萬六千餘文卽
寓諸九千三百餘字中則得之矣朕欲使知盡在此九
千三百餘字中則必通段借而後可說文所無之字不
却凡箋今試舉數字言之如遨螯皆借敖傲亦然捧俸
皆借奉住借逗亦用邁中句切亦廚遇切伊只作伊莅

涖皆用竦慣遺攢串皆用貫又蟾蜍只借詹諸芙蓉借
夫頌琥珀瑪瑙借虎魄馬瑙如此類者不可偃以指而
要之不外乎鄭氏所謂有有義之段借有無義中段借
趙氏所謂有因義之借有無義之借有因借之借有轉
注而段借又有同音竝義不爲段借蓋卽託生反生兼
生之說也學者明此將然賡之然不再加火州渚之州
不再加水果不加艸須不加影而於許氏未嘗之怡默
會而潛喻焉則段借一書自當於指事象形諧聲會意
轉注五書中求之不能舍五書而別有所段借也于是
許叔重氏所謂本無其字者皆有其字矣

終南進士銜杯月下聽小妹彈琴圖贊

斜陽欲暝色猶薄暄風扇乎陽春夕露濃乎薰莸時
也終南夫子具垂觴解袍笏絳綰當暑淥郵召醺千巘
之銛足警娛異螭魁之疇設同廝養迺延小妹奏新聲
龍門之桐莖親之絲按軫拭徽調宮叶徵流水幽細恬
鱗出聽高山龕從羈雌忘宿先生當風危坐喝月倒行
擊卍久止掀須微笑雅音相和清籟斯韵夜氣旣鬯天
風徐來雖大家續紀傳之書令暉念貧辛之客蔑能過
焉承命搆思心慕神馳涼酌細斟迺爲贊曰
六橋三竺神仙之窟煙篆裊空清商徐發其音怡怡其

聲清越靜理默會仰見明月

李鹿隅紅豆學館詞鈔序

晴旭竟戶東風播暄迺自挹谿水滌花瓷嘉客莅止餉
已新芽同人舉銚近就晨汲破芳隣而乞火命豎子吹
拾葉使夫渴吻忘燥心學驟開碧烟一縷心思與之解
逅絲旂半展精酥通其噉歛遠趣欵翔於天際新意俄
會於毫端蚤起蹋青猶迂嫵寒小步覓句亦鬯麗矚桃
季幾樹摹寫其綽態楊柳六橋搖曳其弱姿延佇乎曉
風殘月之天容與乎蘼蕪蕙荃之區於斯時也經史已
巖密見疏古文因窳重不稱陳子部則每詫奇誕造詩

壇則网闕厓垠其它俾辯之辭恆背紆曲之指於是窮
幽入渺悄步彳行萬慮不生百骸如蛻然後鋪麗藻挑
豔褻拭鼎而聞紗皂校弭而聽新弄熱雲被體幽芳著
人則鹿隅李君以所作紅豆學館詞鈔見示也夫其撻
酥滃糲含鮮揚猗曼羅綺於行閒劾宮徵於長拍若錄
響夷蕤則律調陽琯若當風霧縠則紋疏絳葛柔痕倦
色祕思妍辭蘭風夕歛未足方其苾薜海棠春睡詎可
擬其窈窕使君架广衢市廁身裸壤次且於囂塵之中
雜迹於攘攘之疇而欲希輓躡影擿艷徵華或尋煙而
染芬或咨風而問月不其難乎幸而山靈昵其形迹江
聲澡其情性美人香艸無非比興之資嬾曼蟬嫫蚤詣
姜柳之室洵可謂天授非人力矣應鐘門肉棱生尋春
徑仄朝朝蕤蕤頗惑於微詞郁郁霏霏奚越乎衆薌當
此俗埃彌袪情波亂泛祇欲與君袷衣迎颿高吟過晡
整理辭條藻飾樂府倚亭畔之朱檻擷館中之紅豆抑
欲以竹山之勝黃海之奇舉新安之名蹟爲大好而補
注與茲神秀一校崇深豈不益使煙霞昂其痼閒邃洽
其衷邪獨惜嵒岷之姿偏乏箏琵琶之響雖復攬秀龍井
貸潤席跑將無意以支鎗更何心而候火則湖光山色
徒類沐乎三載陽瞽白雪唯笛連於一篇

說文解字說

觀君作說文解字卽已此四字名其書四字者兩事也
 一曰說文一曰解字說文者說其字出文解字者解其
 字出誼如一字云惟初太始譴立於一船分天地化成
 萬物此渾言出卽說卽解也元始也爲解字从一从兀
 爲說文天顛也至高無上爲解字从一大爲說文又東
 云勤也解字也从木官溥說从日在木中說文也工巧
 飾也此解字象人有規巨也與巫同意說文也據此則
 說文自說文解字自解字兩不相蒙也說文解字必雙
 舉而竝稱明矣乃今出人無不耽索尋繹而求通其誼

若云翫索尋繹而說其文千百中一二百然則稱其
 書儻當呼之曰解字迺不曰解字而競呼之曰說文是
 不用其所用而用其所不用顧名思義亦奚取耶作說
 文解字說以詗天下之解字而不說文者

許少玉索題所藏穎上蘭亭

子安舍人題籤君任方君
易疇廣文皆有跋俗碑中

句題其首曰今
之視答竝序

咸豐三季歲在癸丑葦春之初弥錫少玉公子索題於
 兩瓶齋余攜卽九千參百午十三字齋拜觀數過銀句
 鐵畫玉潤珠園真乃希世之珍兩跋一籤琳琅相輔奚
 敢再贅一辭然欣幸之情不能自己撫碑中句以題其

額竝附均語以資一噓

蘭亭留遺韻藹然當暮春汎此栢中物歡然會良辰今
又閱癸丑展旣漸水濱臨摹懷前哲誰謂迹已陳得知
千載上石古意向新三君最精鑒顧盼識其真一顏合
兩跋已是在上珍北野集群賢香風今有鄰

題徐子新聽水齋詩後

叢條振緜鮮衝颿激眾響感至情自歆匪曰悅所賞雜
學拂瑠甍香氣自來注春風翔東阡弥望何莽莽新機
媚逸景清境滌萬象悠悠山閒雲虛懷結幽想

名言略淺喻三復維此心清吭轉高樹戛然志其陰頰

視碧水流坐對高山岑淵淵調終曲睨睨有餘音夜色
何漫漫洒薄吾自斟微醺觸紗理覺路非可尋高月皎
層波所悟一何深

飛蓬颺迴風嫣然冒竚端羅綺昵其懷顧瞻幽以閒豈
不眷顏色勁風薄宵寒絲弱不自振逝矣豈足歎緬彼
瓊樹枝遠望不可攀芟言羨高翮隨風時往還

張子淵徵君以卻薦舉詩寄示卽次原均四章以荅之
簪聿客西湖讀詩識先生延陵述行誼悅慕時交并看
雲懷高致當風沐餘清德車行夷塗攬轡靜弗驚使入
孔氏室詎讓騫與耕

識面祝犁歲見晚眾所嗤究有識面時雖晚不恨遲把
襪道情素絮絮手重持感君瓊瑤惠君閱拙稟作序一篇欲以覺
後却別後苦相憶但有懷人詩

今來誦新詩陸離古彝尊太邱膺榮辟望重道所存行
義達其道正吟疇

國恩聞致莘野聘乃閉泄柳門德範不示人忍祕此達

尊尊

奴駘老伏櫪年華逝駸駸諸公凌雙屨王子懷許玕巖兩侍御方子佩

給諫江銅甫潘少甫兩廣文詞旨拳拳亟欲以朽老應召闔戶直到今後乞許君力為辭卻

低頭崇文範君清德令望足與太邱相埒古調齠素琴天風載逸響

流水會遠心羨君裕後昆鸞鳳嗣厥音

六月二十三日與諸兄弟姪禮佛千佛寺時六姪彭洛

賃寺左廂為習靜計因止宿焉苦熱無賴遂賦一篇留

於屋壁

挾誠忤犖礪道遠力不乏造險如梯天邈與雲物接宵

露晨未晞輾溼知道狹同行四五輩銳進一何捷岐涂

靡可問瞻前費偵謀險窮琳宮煥揖客門老衲斯時衝

炎蒸煩熱迫署脅搗扇擊已罷持巾汗俱浹從容正冠

服相與詣瓊刹拜跪萬慮屏趨蹌眾心愜咨禪松風翔

觀鼻檀煙而理鏡悟自徹祕情融梵夾境易興以超禪

關峻幽闔周廊厯委它艸樹鬱稠疊開軒挹清芬煨茗
拾殘葉地僻懼荒怪佛力供彈厭冶鏡峙雲表題名類
層塔塔影入書帷仲容跋峨巖山深綠霽貯晻靄覆吟
榻虛窗隱修篁矮几燒艾納圖書祭今古安置良妥帖
畫地判疆界儒墨兩無涉譏余俗埃障菽粟菽紛逖拒
喧策网措履靜志空合心神做塵夢奔歪銷慧業咸也
顧我笑知我情已洽摻祛不令去返坐亦云輒欲行步
不前涉想寢成魘自朝迄昏夜仨月詩思發誣思恒苦
遲有得先呈佛臺殿微風來清磬遙相答
吳子苾先生索題漢泥封印冊 有序

此冊乃漢時泥封印榻本山左吳子苾先生爲關中方
伯時所得者凡四百五十餘顆遐蒐近哀廣詢博采方
能使奇文斐疊蔚萃一方誠非一朝一夕之所能致者
關陝爲秦漢舊都故金石瓦墜之類恆集於是拊器審
象蓋古人寄物必有封識今人每趨巧便無論匡匱囊
橐包裹儻何或以布或以縑或以繩索總其端而復析
紙纏裹之加印其上是已漢人不趨簡易多已泥封之
泥溼則奕而膩傳於所封處使相箸上以官印或私印
印之事訖則舍而不用故至今尙存也當其初箸時泥
未乾隨印圍方觀其受印處四方高中央下其旁溢而

辟立者若附之承鄂凹凸昂薄參經不齊如繚已周牆
然今裝池成冊命鐘爲述原委以視同好希世之珍不
使西方之人獨擅其美幸甚幸甚且自晉至今究古之
家曾無一語相及是則今之作者真發前人所未發後
之覽者亦見前人所未見也用系一篇以志嚮往惟揣
度之辭問可能相肖否

今人纖巧古人拙古人淳朴薄狡黠細意熨帖不憚煩
恒附雙魚寄珍物或以捆載或包裹或以匡篋或囊橐
覲纓瑣細殊紛貳不扼其要恐遺失今人纖巧尙輕便
一樣囊橐與匡篋百物哀聚貯一器糾以繩綫縛已索

縛訖以紙作結束層封疊識黏使實亦復以印鈐其端
只是啓封皆裂圻古人封識雖近似不竭心計徑走捷
竅匣裏載原不異封以丸泥類函谷以繩綫索擊其領
以印印泥若扁鐻交叉背有纏絡痕正面完好無礙暴
官印私印何疊疊千辛萬年何歷歷緬管函漢都關中
百官公卿所窟宅贈遺去緘掛日勞綸各勒銜名篆以
繆作印代鎖益堅固受者索驗而後發當時常有豈足
奇事訖注注遭棄擲荏染千載堅似鍤漢印實不爽毫
髮是物鹵北爲獨多深媿南人不相識先生開藩莅三
輔蒐羅金石樂併集今持蕩日駐武林大啟瑯函示賓

客官名里名人姓名四百餘題儘摹榻泥塗四圍如女
牆邊隅閒亦有殘泐文從字順無反書希見寡聞衆心
悅古人泥土今璆琳今人几校顯羅列勞勞翹首望故
山妖燄雖低氣猶鬱秦漢時物故不少近遭焚掠十去
八兵勦首禍賊繼至賊去邨頑又豨賊殷富於今已不
富卽富能禁癸投搢殃此南方舊所無奚怪觀者盡瞠
目迅掃櫬槍馳露布官印晶瑩耀星檄江波不動日當
天好將纖巧變溘朴凡我南人宜旣察細細攷據作題
跋漫言出處自泥涂寶貴流傳此金石

於定香亭讀程氏信古堂繇巖圖經有題一首

栗陸驪連據高坐藍牧鵠立咎僂佐神鬼呵護寒暑過
千季萬季若轉磨吉金樂石傳最古鼎卣尊彝戈戟弩
作者何人看銘語款字凹入識挺出含文易文符俗說
半已剝蝕半殘泐一器欲示天下知僂苦重累難攜持
描寫更難肖奇姿何物浮屠荷神技洒器使溼傳以紙
須臾著墨見文理凹曲詰屈皆鑽研蛟蠃蠕浮松煙
雲雷一氣相迴旋瑤青剔綠露點畫三代篆文肆奇怪
哆口欲讀每窒礙沙門何覈獲傳授手拓紙本以示後
逃墨歸儒杵希有以此要譽身價重學士大夫分鶴奉
俗作俸數十年來頗動衆諒非一日出功用

卷之十 平來賦 煇來結非一日出也 用
 卷之十一 墨龍謝在帝前 地要學良勤重學士大夫在麟奉
 選口為龍母塗鑿門何靈變對手時本心示紙
 雲雷一戶時時時青陽絲靈照畫三升養文翰香對
 影與蒼墨貝文既凹曲詰風皆變極越灑灑魁科外歌
 蘇真夏鑲肖奇姿何時彩會時軒其西器刺鑿對月飛
 半弓餘繪半幾一器為示天不味對苦重景鑲蘇詩
 非昔何人香誰請燦守凹人滿琪出會文墨文符符符
 于卒萬年苦轉歌吉金樂可轉是古鼎自尊蘇文鍊管
 乘國... 蘇蘇高坐... 詩立... 詩... 蘇... 蘇...

齊子中姜鈔歌

潘祖蔭

王昌齡 鳳 詩

律往往易代... 胡澍題
 阪花石同蒐... 齊鈔幾欲刻

此曲

王昌齡

[Faint background text, likely bleed-through from the reverse side of the page]

齊子中姜罇歌

潘祖蔭 伯寅

大鐘為鏞亦為鏞我今試作齊罇歌
吉金辟鍊古所貴銷沈無奈陵谷何深
厓歷劫墜大鼎荒原有時出斷戈况復
鐘縣應樂律往往易代遭刊磨宣和天
子獨嗜古遐阪花石同蒐羅一朝法物
得齊罇幾欲刻

石銘魏我厥後王薛竝箸錄刻畫巖正無
唯阿何期歷世幾千載尙有彝器神護呵
同治初年出晉土十分鼓一度不譌雕鏤
精絕仍樸素字畫籀古非斗科篆間垂乳
及鼓隧舞上旋榦盤龍鬣銘文百七十有
二銑鉦左右如交柯神鯤擊海弄金翅天

孫織錦穿雲梭惟王五月日丁亥首述父
祖辭委蛇爲子仲姜作寶罇公族之女同
英娥上祝侯氏次及母長願壽考無滂沱
下泉兄弟與子姓爾彌爾性稱雍和錫邑
疇民侈厥績凡茲旌賞皆殊科大工大徒
更大僕

銘中云余爲大攻攻卽工
大工乃司空也釋政者非徧歷三

事庸汝多定非齷齪等仗馬豈或臃腫笑
疥駝我思名卿齊最眾晉楚雖大無能過
二守以外迭柄政宗臣庶姓資齟嗟茲也
三世娶公姓高資貴戚承恩波才能自是
烏苑亞司空營地平無煩人臣判縣止鐘
磬魏絳賜半遑論他娛親北堂奏全樂益

佞宋真成癖年來不可尋偶然珍一帙直
欲抵兼金角折芸香熨籤殘蠹吻侵海源
海源閣協
卿臧書處今宛委萬軸自森森

事庸汝多... 三
亦學我思名...
二守以外...
惟誠書... 今... 萬... 自... 森...
... 兼... 金... 角... 其... 芝... 香... 煥... 難... 矣... 盡... 德... 身... 誠... 感...
... 宋... 真... 旭... 執... 羊... 來... 不... 可... 辱... 辭... 然... 念... 一... 刺... 直...

揭銘 張之洞 孝達

鼎鑊何足好 所好其文字 款識多通假 往往證經義 高館擁法物 拊手瑩紫翠 莒鍾尤突兀 樂于符往制 千載未入錄 呂薛盡失氣 犧尊逢劉杳 贗鼎避展季 宣和六千種 終當歸羅致 我愧張子高 空讀美陽器

蘇蘇讀碑羅廷洪射飛于高空驚美觀器
訪碑窮寰宇乃至陽關外裴岑已數見高
昌徒靈怪唐侯君集平高昌碑不可搨搨則有風雹伊吾漢屯
官侯獲有遺愛幾見青海枯未令白石碎
窮邊紙墨羸波磔半明晦箝口更畫肚率
然以臆對寥落得三行官閱已備載請君

致精本方知非傳會

第三行模糊特甚釋者言人人殊余定爲

孝廉菑邱烏埒張掖長九字

品泉

祖約杭

世駿

皆錢癖所愛當時錢學人獨

佞古嗜好殊薌擅大者如書刀

齊刀莒小刀之屬

者逾縋環

榆莢蟻鼻之屬

奇品直斤金當千何足

言隋譜久亡佚洪志徒誕謾初渭園翁宜

泉戴鹿牀劉燕庭李竹朋哀鳩成一編豈

惟辨必壯史代資考研實儀號讀書不記

公祐年輔公祐紀元號
乾德不獨後蜀

論印

嘯堂錄古印尙不及先秦豈知蒼姬物纍

纍彌足珍吾衍觚異說鑿空徒紛紜學古編謂

三代無印璽書與璽節乃忘經傳文遺範述斗

檢土花猶璘彬偏旁多移易往往窮解人

繆篆摹印不必繆篆已絕學殊異六書云

合於古六書陳壽卿吳子苾勿侈大鼎足將在君陳得周印

璽字是周有印之證也二吳得周印六据籀文有

還硯

往年孫給事示我石一枚書碑出東坡琢
硯得石齋兩賢相映發可以敵瑤瑰大屈
竟復反連城終歸來吳興渺賢守螭壁叢
蒿萊當其伐山初豈期為硯材宋刻已斷
爛漢碣宜沈薶費鳳碑徒憐漢皋曲玉筍生

青苔

湖北天門縣漢水畔有熊氏園園植
一石乃墨妙亭物削長四尺分書題
名曰玉筍
余訪得之

檢書

麗色若可餐佳墨若可啜亦如舊槧書未
讀神先悅窅然蠅鬚館插架齊棗枕上攬
宋東京下羅明中葉大盜燬江左書種奄

欲絕天一既雨散士禮久煙滅掇拾甘破
產收買及斷缺借觀君其許一甌吾已設

滂喜齋搗商周彝器歌

王懿榮

正孺

司農堂前百寶羅辛卣乙爵相擊摩商器周

季保彝季忝鼎邵鐘魯鸞徽王盃更有召

中生奴鬲周器世間此物存豈多鯁生登堂

搗百本青氈翠墨親摩挲攷文釋器徵所

出長安易水大山阿卣曰父辛爵曰乙先

後毫社追猗那爵上土花沒瑤飾一文當

柱形如禾中流及緣作亞字朝踐饋獻應

同科乙辛柔日皆內事商器父乙父辛等

人名阮氏謂為作器次第按曲禮外事用

剛日內事用柔日鄭氏注內事如宗廟之

祭是陳氏注剛日如甲丙戊庚壬柔日如

乙丁己辛癸按彝器有作文父日辛烈考

日庚等識則甲乙明為商器簡所無枝柯

紀日無疑見榮商器說

商父乙爵有周一器特精好是名曰盃讀

父辛說文鬻字下五味盃羹也初學記即

如和引作和王氏說文句讀謂盃疑後入

從禾得聲非後起我於音學無偏頗世人

爭詢歌麻部盡隨娑嬖改娑婆尤坳會者

週黍昀甯知兩疊釋非訛近人釋齊侯壘

韻學家附會為周七韻甚于說古無歌麻

者及得齊侯中壘則又為逆黍始三字七

九

韵不能著為定論矣以知古器文字不可強識誤會如是此文唯斲不

可讀姬姝之夫名孰何周斲王盃一鼎一彝皆

季氏念也保也字未磨季念鼎季保彝作鬲召中

君奭齋舊姍生姍與蘿召中奇者魯內

小臣斲陪臣助祭鏘鳴珂侯生作器登明

堂据文義定為魯臣助祭之器駿奔欲奏清廟歌魯內小臣

斲

更從郚鐘識郚後共公庚與謚靡佗郚

子公族美田事不須赤市兼珣戈作鐘八

肆縣四堵革亦曰鑿丈引說文為鐘字鼓則鼙傳

聞此鐘出岸曲當隨沂泗入黃河郚三司鐘

農讀書天祿閣古文奇字供切礎從茲蒐

采富藏弃大收倉籀窮義娥媿余裝治止

墨本匱笥滲潔生青螺是日揭者人盡酒

吳清卿孫問齋二胡甘伯醉顏酡蘇蘇

開九輪出嶺山當湖西人黃所儲子臣

靛羅四散草亦曰靛

平公越美田事不獲未雨兼隨文

更益潤發共公天與

嚴玉森汝成

南來塵袖撲未淨先生命觀消夏詩京師

五月已苦熱槐陰詩屋涼風吹屋中羅列

多鼎彝餘亦卓為天下奇中有墨妙石一

角煙塵十年重得之日斜退直花影低吟

情宕若春空絲興豪直追秦漢上氣逸欲

與恒嵩齊森也昔歲來京師高文大冊百
不知我園圖藉粗誦讀更觀姚子裴岑碑
仲海得裴岑碑甚完好我園一去賓客稀
上有王陽甫先生題字今來宣南空涕洟遺書已共尊曩散林木
唯餘烏鵲飛先生嗜古搜靡遺下逮趙宋
上媿姬東南遺文旣收拾

近刻邵位西並
陳珊士王孟調

集雲霞麗句尤紛披當年劫火天四圍法
物飄零愁慘淒去年江上屢來往文雅亦
遜乾嘉時高齋古采何陸離每招嘉客相
娛嬉人生有好應手得譬如鸞鳳煙雲隨
煙雲變滅風雨馳古歡不逐時遷移瑤篇
欲和惜筆弱仰看河漢高天西

三
谷味昔筆臣吟香何冀高天西
獸雲變滅風雨颯古燿不逐却獸逐
幾教人主育我熟手昏聩吸鸞鳳獸雲
幾掉嘉和高齋古采可割麟其以嘉容
似飄零然麴妻去羊山土壘來卦文
隸雲雲豐日火絲姑當辛賦火天四圖

李慈銘 恣伯

南齋侍郎今內相論思討古同精勤朝來
打門走急遞示我六詠如珍珍長安賢人
競消夏涼臺曲館沈香薰纍纍玉椀飭奇
果青蛾羅縠歌遏雲君謂我意獨不爾室
中所有可具陳上者辛夔及乙鼎齊黜宋

洗犧象尊漢泉周印錯雜置沙南碣字尤
輪困下者書硯亦絕品古香觸手皆天芬
細辨名物補鄭注遠窮迤迤參籀文趙洪
失色王薛沮吾桂墨屎錢毛嗔朝回駐車
輒閱市片瓦不惜錢千緡貨郎倚僮與諧
價小史持貂時質人麝螺萬紙入瑤笈牙

籤百部排錦純奚奴交喘客流汗炎歊隔
戶揚黃塵摸牀繞室卻交扇紫花繡蘇交
陽春響搗時疑棋落子繙書不覺花堆茵
偶然烹茗對佳客塵尾一拂雲繽紛我慙
貧兒未識市琅嬛欲入猶逡巡聞君讀畢
已盡憶五車一一胸中吞舊藏悉入永嘉

劫餘者所得猶兒孫頗有荊州脫手贈紫
雲忼慨能消魂前見侍郎以宋刻文選殘
本贈孝達孝達狂喜累日
寔人衣珠不敢望底下亦足張吾軍幾時
煩君設寒具一令餓蠹聞奇芸

搨銘

胡澍伯

身彊能啖飯便是葛天民余方病起況有尊彝

對而無案牘陳古文蒼史在法物鬼神珍

椎搨煩佳手吾宗熨貼頻謂家石槎

讀碑

片石百餘字今存十二三模胡看硯北攷

證到沙南奮獲蜚連解

余有漢人名字解
詰之作侯獲字祖

奮亦當
采入

伊吾想像堪

碑文司馬上伊吾二
字釋者以意測之

劇憐王比部塞外枉停驂

戰門嗜漢碑世
閒所有悉著於

錄惟闕侯君一碑會託人向塞外拓之
僅得碑陰煥采溝三大字悵惘累日

品泉

泉幣文奇僻端憑析秒芒齊刀珍卽墨周

鼓奪陳倉連類銅成范

愛古泉者
兼愛泉范摹形甄

疊牀

古甄文往往
摹古泉形

鄰居有同好

石槎
廉生風雨

合思量

論印

璽印尊卑別於文散則通

秦漢璽印雖有
尊卑之別顧今

所傳臣下官私印多用璽字
知對文則異散文則通也

幾人懸肘後

吾輩數胸中漢職疏遺漏漢印職官多漢表漢志漢官所
無者若條舉而疏周官證異同漢印之巧
補之亦奇作也之考工金滕子仁若考
史記魯世家作巧可證最奇龜七紐星散
感飛鴻飛鴻堂印謹中有銅印作龜形腹
形製奇特與頭尾四足共成七印可合可分
今散失矣

還硯

墨妙亭邊石遺亡已十秋壁隨珠共返事
與韻俱留觸手雲煙起當頭

雨露周髯蘇應默護大笑下神州

檢書

吾愛顧千里風流尙足尋校書思埽葉得
義等懷金架上香芸馥階前翠草侵因茲

消永夏已勝萬竿森

青翠十里風蕭蕭
金黃
雨霽
與
墨

搨銘

陳喬森 逸山

前徽不可逮環堂羅吉金遺銘法語垂勳
德誠與箴一器計萬世仰窺古人心薛呂
誠嗜奇繼者思何深吾欲釋宣榭邗敦求
細尋

讀碑

宜禾漢都尉伊吾留片石祁連牧馬兒亦
有墜淚跡穹廬覆蒼蒼風雨久剝蝕裴岑
功並存充國事同核氈椎出殘墨摩挲認
波磔

品泉

龍馬行天地九圍通貨泉當時物力豐肉

好陰文妍世禪年祀遠彝鼎同擎拳美人
金錯刀不與鵝眼聯兼收無留良杖頭休
並懸

論印

吾邱辯禹禳數典忘璽榻赫然司馬章電
閃雙瞳刮夏官都家分楚制左右列殊非

醜戾倫立兩符鄭說麤材拙雕蟲斗大美
旄節

還硯

伏靈刻作礎精光耿琳寓吳興墨妙轟螭
若操月斧中有洞璣神上與髯仙語趙璧
終返趙芝弓本在芝庶增龍尾價未嫌銅

雀伍

檢書

汗竹鐫石來宋槩備諸善晁陳舊繁錄錢
顧今獨擅山房入唐述百覽復難徧楮墨
發奇香芸錦含古絢何當收桑榆晚學置
萬卷

萬卷

發奇香芳艷含古味何當郊桑餘興學置
願今躋巖山氣人書遊百寶真鑿訕訕墨
我竹巖百來宋漢蒲蒲善泉刺醫藥澁澁
有洞珠元一與書仙語走星
走楚馬本在楚庶增龍尾價未嫌銅
畫五

劍書

搗銘

王懿榮

舞鼎從何得名山與大川椎來文不識姬
孔未生前

讀碑

裴岑以後碑止此沙南石重訂侯獲名先
生今六一

論印

刀幣與彝鼎斯文可并觀我今見周印據以補周官

品泉

古文泉最壽上可溯羲皇若說漢新莽錢中合作王

還硯

墨鈔斷碑硯一朝去復來何當收費鳳重續小蓬萊

檢書

宋元慎雕刻未亂開成舊苟獲珠船珍豈斬金餅購

薄金繪觀

三

未示真綱核未廣開效舊荷藝莊識登

劍書

蘇小勤恭

墨迹瀾斯斯一時去真來何當如費鳳重

獸野

